

摘藻堂四庫全書薈要

經部

欽定四庫全書叢要卷一千六百四十

經部

春秋諸傳會通卷十五

元 李 廉 撰

宣公

十年春公如齊公至自齊齊人歸我濟西田左氏

公如齊

侯以我服故歸濟西之田注元年以賂齊者不言來公如齊因受之也

公羊

齊已取之矣其言我

何言我者未絕於我也曷為未絕于我齊已言取之矣其實未之齊也注其人民貢賦尚屬於魯實未歸於齊不言來者明不穀梁公娶齊齊由以為兄弟反從齊來不當坐取邑

注爾雅婦之胡氏

此亦如齊亦致其至而不書月上

黨為婚兄弟
為是年夏使仲孫蔑如京師故特於歲首書王正月
以著宣公之罪而君臣名分之際謹嚴如此也歸田
以為私惠比於君臣名分之際則大小不侔矣宣公
於齊順其所欲既以女妻其臣又以兵會伐萊之舉
又每歲往朝于齊廷雖諸侯事天子無是禮也故惠
公悅其能順事已而以所取濟西田歸之也歸謹及
闡直書曰歸此獨書我者乃相親愛惠遺之意或謂
濟西魯之本封故書我誤矣以柔巽卑屈事人不以
其道而得地與悅人之柔巽卑屈事已不張氏不言
以其道而歸其地皆人欲之私而非義矣
請而得之也謹闡歸於取之年故不言我今歸於十
年之後故書我也特書曰我則取之
不以其道而歸
之不以其正一出於
相與之私為可見矣

案經書齊歸我田邑三此年濟西書歸我定十年鄆謹龜陰書來歸哀八年謹闡直書歸曰來歸者心悅誠服之詞也歸者順詞也歸我者親愛惠遺之詞也公羊以為元年齊人取濟西田不過許受之如漢律行言許受財之類故云當坐取邑爾來十年仍不入己見宣有禮還復歸之可以滅其初惡是以春秋恕之不復言來以除其過故云不當坐取邑趙子以為迂誕之甚不可取是也趙子又曰此言我濟西田者為濟水長不必是魯田以別他爾亦通其穀梁杜氏不言來之說雖通然施之於謹闡則不合矣故胡氏獨以鄆謹龜陰之書來為序績而與濟西謹闡書法不同也

夏四月丙辰日有食之○己巳齊侯元卒○齊崔氏出

奔衛左氏

齊惠公卒崔杼有寵於惠公高國畏其逼也公卒而逐之奔衛書曰崔氏非其罪也且告

以族不以名凡諸侯之大夫違告於諸侯曰某氏之守臣某失守宗廟敢告所有玉帛之使者則告不

然則

公羊

譏世卿也穀梁

氏者舉族而出之之詞也

胡氏

書崔氏以族奔也許榘謂

崔杼出而能反反而能殺以其宗強於此舉氏辨之早也其說得矣所謂譏世卿者非公羊本旨蓋門弟子因尹氏武氏稱世卿而附益之於此爾經有事同而詞異亦有事異而詞同一視之則泥而不通矣

公如齊五月公至自齊左氏

公如齊奔喪注非禮也

胡氏

文約而事詳者

經也春如齊朝惠公夏如齊奔其喪若是不致可也而皆致者甚之也天王之喪不奔欲行郊禮而汲汲於奔齊惠公之喪天王之葬不會使微者往而公孫歸父會齊惠公之葬其不顧君臣上下尊卑之等所

謂肆人欲滅天理而無忌憚者也詞繁而不殺聖人之情見矣

案經書公至自齊九莊二十三春夏二十
三宣四五九十春夏其朝齊止此昭公之
編三至自齊以奔亡
書非嘉好之事也

癸巳陳夏徵舒弑其君平國左氏

陳靈公與孔寧儀行父飲酒於夏氏公謂

行父曰徵舒似女對曰亦似君徵舒病
之公出自其廐射而殺之二子奔楚
胡氏陳靈公

之無道

也而稱大夫之名氏以弑何也禍莫大於拒諫而殺
直臣忠莫顯於身見殺而其言驗洩治所為不憚斧
鉞盡言於其君者正謂靈公君臣通於夏徵舒之家
恐其及禍不忍坐視故昧死言之靈公不能納又從
而殺之卒以見弑而亡其國此萬世之大戒也特書
徵舒之名氏以見洩治忠言之驗靈公見弑之由使

有國者必以遠色修身包容狂直開納諫諍為心也杜氏以為罪不及民故稱大夫以弑者非經意矣

六月宋師伐滕左氏

滕人恃晉而不事宋也

胡氏

前圍滕稱人刺伐喪也此伐滕

稱師譏用衆也宋大國爵上公霸主之餘業力非不足也今鄰有弑逆不能聲罪致討乃用大衆以伐所當矜恤之小邦且滕不事已無乃已德猶有所闕而滕何尤焉故特稱師以著其罪而汲汲於誅亂臣討賊子之意見矣

案滕自宋人執嬰齊之後滕遂為宋私屬故宋之盟叔孫豹曰滕宋私也成周之城仲幾曰滕宋役也小國之偏於強暴非一日矣

公孫歸父如齊葬齊惠公胡氏

歸父仲遂之子貴而有寵宣公深德齊侯之能

定其位而又以濟西田歸之也故生則傾身以事之而不辭於屈辱沒則親往奔喪而使貴卿會其葬亦不顧天王之禮闕然莫之供也比事考詞義自見矣

晉人宋人衛人曹人伐鄭左氏

鄭及楚平諸侯之師伐鄭取成而還注鄭前年

敗楚師恐楚深怨故與之平

胡氏

其稱人貶也鄭居大國之間從於強令豈其罪乎不能以德鎮

撫而力爭之是謂五十步笑百步庸何愈於楚自是責楚益輕罪在晉矣

秋天王使王季子來聘左氏

劉康公來報聘注報孟獻子也天王之母弟食采於

劉天子大公牛

王季子者何天子之大夫也其稱穀夫稱字王季子何貴也其貴奈何母弟也穀

梁其曰王季子也其胡氏

公羊曰王季子者王之母弟也王有時聘以結

諸侯之好禮也宣公享國至是十年不朝于周而比
年朝齊不奔王喪而奔齊侯喪不遣貴卿會匡王葬
而使歸父會齊侯之葬縱未舉法勿聘焉猶可也而
使王季子來王靈益不振矣自是王聘春秋亦不書
矣

案王聘七
止於此

公孫歸父帥師伐邾取繹

邾邑魯國鄒縣北有繹山蓋
別有繹邑近在邾都之旁亦

因山而名非邾所遷胡氏

用貴卿為主將舉大衆出征
伐不施於亂臣賊子奉天討

之也都也公羊繹作類
罪而陵弱侵小近在邦域之中附庸之國是為盜也
當此時陳有弑君之亂既來赴告藏在諸侯之策矣
曾不是圖而有事於邾不亦偵乎故四國伐
鄭貶而稱人魯人伐邾特書取繹以罪之也

大水公羊

注先是城平陽取根年張氏

陰長陽消夷狄乘釁之徵

季孫行父如齊冬公孫歸父如齊左氏

季文子初聘于齊冬子家如齊

伐邾故也

胡氏

齊侯嗣立宣公親往奔其父喪又使貴卿會葬矣若待逾年然後修聘未晚也而季

孫亟行歸父繼往則以宣公君臣不知為國以禮而謂妄悅取人之可以免於討也歸父貪於取繹畏齊而往蓋理曲則氣必餒矣能無畏乎哉春秋備書而不削以著其罪為後世鑑也

齊侯使國佐來聘左氏

國武子來報聘胡氏

葬之速也大不懷也又未逾年而以

君命遣使聘于鄰國則哀戚之情忘矣孟子曰養生不足以當大事惟送死可以當大事滕文公五月居廬未有命戒及至葬顏色之戚哭泣之哀弔者大悅而有願為其氓者蓋禮義人心之所同然也齊頃公

嗣位之初舉動如此喪師失地幾見執獲
豈特婦人笑客之罪哉已失守身之本矣

饑左氏

注有水災嘉穀不成

公羊

何以書以重書也注民食不足百姓不可復興危亡將至故重

而書之明當自省張氏王政以民食為重故積貯天
減開倉廩贍振乏水旱螟螣之災多矣不以饑書今大水之後特書饑
者著宣公煩於事外國用無節上下用竭故一遇水
旱遂至
乏食耳

案經書饑三此年十五年襄二十四年天饑

楚子伐鄭左氏

楚子伐鄭晉士會救鄭逐楚師于潁北諸侯之師戍鄭

胡氏

經有詞同

而意異者比事以觀斯得之矣九年楚子伐鄭稱爵
者貶詞也若曰國君自將恃強壓弱憑陵中夏之稱

也知然者以下書晉卻缺帥師救鄭則貶楚可知矣
此年楚子伐鄭書爵者直詞也若曰以實屬詞書其
重者而意不以楚為罪也知然者以傳書晉士會救
鄭逐楚師于潁北而經削之則責晉可知矣此類兼
以傳為案者也

十有一年春王正月○夏楚子陳侯鄭伯盟于辰陵

辰陵

陳地穀作夷左氏楚子伐鄭及櫟子良曰晉楚不務德
陵齊地恐非而兵爭與其來者可也晉楚無信我

焉得有信乃從楚夏楚盟于辰陵陳鄭服也楚左尹
子重侵宋王待諸郕令尹薦艾獵城沂注傳言晉與

楚狎主盟艾公羊注不日月者莊王行霸約諸侯明
獵孫叔敖也王法討徵舒善其憂中國故為信

辭胡氏晉楚爭此二國為日久矣今陳鄭背晉從楚

盟于辰陵而春秋書之無貶辭者豈與其下

喬木入幽谷乎中國而不能令則中國微矣經之大法在誅亂臣討賊子有亂臣則無君有賊子則無父無父無君則三綱淪九法斁而人類將滅矣雖得天下不能一朝居也今魯與齊方用兵伐莒晉與狄方會于欒而不謀少西氏之逆也而楚人能謀之所謂禮失而求之野夷狄之有君不如諸夏之亡也辰陵之盟所以得書於經而詞無貶乎陳氏序楚子於聖人討賊之意可謂深切著明矣

陳氏序楚子於

之上初予楚以伯也

案春秋書楚之主盟會者三此年及僖二十七年盟宋昭四年會申也盟宋則書楚人於其上會申則不殊淮夷於其下皆貶諸侯之文獨此盟無貶詞

公孫歸父會齊人伐莒秋晉侯會狄于欒函

欒函地

左氏

晉郤成子求成于衆狄衆狄疾赤狄之役遂服于晉
秋會于欒函衆狄服也是行也諸大夫欲召狄郤成
子曰吾聞之非德莫如勤非勤何以求人能勤有繼
其從之也詩曰文王既勤止文王猶勤况寡德乎注
晉侯往會故主狄與會穀梁不言及外狄也注胡氏
吳于鍾離于祖同文所以異之於諸夏胡氏
春秋正法不與夷狄會同辨異也書會戎會狄會吳
皆外詞也內中國故詳外四夷故畧今中國有亂天
王不能討則方伯之責也又不能討則四隣諸侯宜
有請矣而魯方會齊伐莒晉方求成于狄是失肩背
而養其一指不能三年而總小功之察不亦慎
乎凡此直書其事不待貶絕而義自見者也張氏
莒恃晉而不事齊魯從齊
而伐之事齊故聽命也

冬十月楚人殺陳夏徵舒丁亥楚子入陳左氏

楚子為陳夏氏

亂故伐陳謂陳人無動將討於少西氏遂入陳殺夏
徵舒轅諸栗門因縣陳陳侯在晉申叔時使于齊反
復命而退王使讓之曰夏徵舒為不道弑其君寡人
以諸侯討而戮之諸侯縣公皆慶寡人女獨不慶寡
人何故對曰猶可辭乎王曰可哉曰夏徵舒弑其君
其罪大矣討而戮之君之義也抑人亦有言曰牽牛
以蹊人之田而奪之牛牽牛以蹊者信有罪矣而奪
之牛罰已重矣諸侯之從也曰討有罪也今縣陳貪
其富也以討召諸侯而以貪歸之無乃不可乎王曰
善哉反之可乎對曰可哉吾儕小人所謂取諸其懷
而與之也乃復封陳鄉取一人焉以歸謂之夏州故
書曰楚子入陳納公孫寧儀行父于陳書有禮也注
稱人討賊辭也沒其縣陳本意公羊此楚子也其稱
全以討亂存國為文善其得禮人何貶曷為貶
不與外討也不與外討者因其討乎外而不與也雖
內討亦不與也曷為不與實與而文不與文曷為不

與諸侯之義不得專封也諸侯之義不得專封則其
曰實與之何上無天子下無方伯天下諸侯有為無
道者臣弑君子弑父力穀梁此入而殺也其不言入
能討之則討之可也

外徵舒於陳何也明楚之討有罪也入者內弗受也
日入惡入者也何用弗受也不使夷狄為中國也

胡氏

其稱楚人衆詞也大惡人人所同惡人人所得討

書入者與楚子之能討賊故先之也討其賊為義取
其國為貪舜跖之相去遠矣其分乃在於善與利耳
楚莊以義討賊勇於為善舜之徒也以貪取國急於
為利跖之徒矣為善為惡特在一念須臾之間而書
法如此故春秋傳心之要典不可以不察者也或曰
聖人大改過楚莊可謂能改過矣猶書入陳以貶之
何也曰楚莊意在滅陳雖復封之然鄉取一人焉以
歸謂之夏州而又納其亂臣是制人之上下使不得

其君臣之道也晉人以幣如鄭問馬乞之立故子產對曰若寡君之二三臣而晉大夫專制其位是晉之縣鄙也何國之為他國非所當與也而必欲納其亂臣存亡興滅其若是乎仲尼重傷中國深美其有討賊之功故特從末減不稱取陳氏殺予之以討賊之陳而書入雖曰與之可矣義也書入而後殺是以利陳累莊王也不以利陳累莊王則討賊一事也入一事也入雖君將貶人之於圍滅無貶詞固進楚也亦憂楚也

案稱人者討賊之詞左氏穀梁傳皆同惟公羊以為貶詞非也○又案楚假討賊之義以有事於中國者四殺徵舒也執慶封也誘蔡般也執陳招也執陳招先書滅誘蔡般特書名皆不與以討賊惟楚莊殺徵舒得討賊之義故特書人而與州吁陳佗等同文執慶封亦無貶詞故何

氏以為義兵但楚靈之暴非莊王比矣○又案
晉侯執曹伯先書入曹楚子殺徵舒後書入陳
見書法之
精而已矣

納公孫寧儀行父于陳

寧公穀梁

納者內弗受也輔人之不能民而討猶可

入人之國制人之上下使

胡氏

此二臣者從君於昏宣淫於朝誅殺諫臣

使其君見弑蓋致亂之臣也肆諸市朝與衆同棄然後快於人心今乃詭詞奔楚托於討賊復讎以自脫

其罪而楚莊不能察其反覆又使陳人用之是猶人有飲毒而死者幸而復生又強以毒飲之可乎故聖人外此二人於陳而特書曰納納者不受而強納之者也為楚莊者宜奈何瀦徵舒之宮封洩冶之墓尸孔寧儀行父于朝謀於陳衆定其君而去其庶幾乎

案春秋書納六子糾捷菑爭國者也頓子北燕伯失國者也世子蒯聵不當世國者也惟此以大夫而書納穀梁胡氏得之左氏以納亂臣為有禮公羊以為納公黨與皆非也

十有二年春葬陳靈公公羊

討此賊者非臣子也何以書葬君子辭也楚已討之

矣臣子雖欲討胡氏天下之惡一也本國臣子或不之而無所討也其次有四隣有同盟有方域之諸侯有四夷之君長與凡民皆得而討之所以明大倫存天理也徵舒雖楚討之陳之臣子亦可以釋怨矣故得書葬君子詞也

楚子圍鄭左氏

厲之役鄭伯逃歸自是楚未得志焉鄭既受盟于辰陵又微事于晉春楚子圍

鄭旬有七日鄭人大臨守陴者皆哭楚子退師鄭人修城進復圍之三月克之入自皇門至于達路鄭伯

肉袒牽羊以逆曰孤不天不能事君使君懷怒以及
敝邑孤之罪也敢不唯命是聽其俘諸江南以實海
濱亦惟命其翦以賜諸侯使臣妾之亦唯命若惠顧
前好徼福於厲宣桓武不泯其社稷使改事君夷於
九縣君之惠也孤之願也非所敢望也敢布腹心君
實圖之左右曰不可許也得國無赦王曰其君能下
人必能信用其民矣庸可幾乎退三胡氏案公羊傳
十里而許之平潘尫入盟子良出質胡氏例戰不言
伐圍不言戰入不言圍滅不言入書其重者楚子縣
陳蓋滅之矣而經止書入其於鄭也蓋即其國都矣
而經止書圍曷為悉從輕典不著其憑陵諸夏之罪
乎上無天王下無方伯天下諸侯有臣弑君子弑父
諸夏不能討而夷狄能討之春秋取大節畧小過雖
如楚子憑陵上國近造王都之側猶從末減於以見
誅亂臣討賊子正
人倫之為重也

案鄭自此從楚直至成
五年蟲牢之盟方向晉

夏六月乙卯晉荀林父帥師及楚子戰于邲晉師敗績

左氏

夏六月晉師救鄭荀林父將中軍先穀佐之士
會將上軍卻克佐之趙朔將下軍欒書佐之韓

厥為司馬及河聞鄭既及楚平桓子欲還曰無及於
鄭而勦民焉用之楚歸而動不後隨武子曰善會聞
用師觀釁而動德刑政事典禮不易不可敵也楚軍
討鄭怒其貳而哀其卑德刑成矣昔歲入陳今茲入
鄭民不罷勞君無怨讟政有經矣荆尸而舉商農工
賈不敗其業而卒乘輯睦事不好矣薦教為宰擇楚
國之令典軍行右轅左追薦前茅慮無中權後勁百
官象物而動軍政不戒而備能用典矣其君之舉也
內姓選於親外姓選於舊舉不失德賞不失勞君子
小人物有服章禮不逆矣德立刑行政成事時典從

禮順若之何敵之彘子曰不可晉所以伯師武臣力也今失諸侯不可謂力有敵而不從不可謂武由我失伯不如死且成師以出聞敵彊而退非夫也以中軍佐濟知莊子曰此師殆哉易曰師出以律否臧凶果遇必敗韓獻子謂桓子曰彘子以偏師陷子罪大矣不如進也事之不捷惡有所分與其專罪六人同之不猶愈乎師遂濟楚子北師次于郟將飲馬於河而歸聞晉師既濟欲還嬖人伍參欲戰令尹孫叔敖弗欲南轅反旆伍參言於王曰晉之從政者新未能行令其佐先穀剛愎不仁未肯用命此行也晉師必敗且君而逃臣若社稷何王病之告令尹改乘轅而北之次于管以待之鄭皇戌如晉師曰楚師驟勝而驕其師老矣而不設備擊之必敗彘子曰敗楚服鄭於此在矣必許之樂武子曰楚自克庸以來其君無日不討國人而訓之于民生之不易在軍無日不討軍實而申儆之于勝之不可保訓之以若教蚡冒箠

路藍縷以啟山林箴之曰民生在勤勤則不匱不可謂驕師直為壯曲為老我則不德而徼怨于楚我曲楚直不可謂老其君之戎分為二廣廣有一卒卒偏之兩右廣初駕數及日中左則受之以至于昏內官序當其夜以待不虞不可謂無備子良鄭之良也師叔楚之崇也師叔入盟子良在楚楚鄭親矣來勸我戰我克則來不克遂往以我卜也鄭不可從楚少宰如晉師曰寡君少遭閔凶不能文聞二先君之出入此行也將鄭是訓定豈敢求罪於晉二子無淹久隨季對曰昔平王命我先君文侯曰與鄭夾輔周室毋廢王命今鄭不率寡君使羣臣問諸鄭豈敢辱候人彘子以為諂使趙括從而更之曰行人失詞寡君使羣臣遷大國之迹於鄭曰無辟敵羣臣無所逃命楚子又使求成于晉盟有日矣楚許伯御樂伯攝叔為右以致晉師晉魏錡求公族大夫未得而怒欲敗晉師請致師弗許請使許之遂往請戰而還趙旃求

卿未得請挑戰弗許請召盟許之與魏錡皆命而往
卻獻子曰二憾往矣弗備必敗彘子曰鄭人勸戰弗
敢從也楚人求成弗能好也師無成命多備何為士
季曰備之善彘子不可士季使鞏朔韓穿帥七覆于
敖前故上軍不敗趙旃夜至楚軍使其徒入之楚子
為乘廣三十乘分為左右王乘左廣以逐趙旃晉人
懼二子之怒楚師也使軫車逆之潘黨望其塵使驍
而告曰晉師至矣楚人亦懼王之入晉軍也遂出陳
孫叔曰進之寧我薄人無人薄我軍志曰先人有奪
人之心薄之也遂疾進師車馳卒奔乘晉軍桓子不
知所為鼓於軍中曰先濟者有賞中軍下軍爭舟舟
中之指可掬也晉師右移上軍未動楚子使告唐惠
侯曰不穀不德而貪以遇大敵不穀之罪也然楚不
克君之羞也敢藉君靈以濟楚師使潘黨帥游闕四
十乘從唐侯為左拒以從上軍駒伯曰待諸乎隨季
曰楚師方壯若萃於我吾師必盡不如收而去之分

謗生民不亦可乎殿其卒而退不敗楚熊負羈囚知
瑩知莊子以其族反之射連尹襄老獲之囚公子穀
臣以還及昏楚師軍於邲晉之餘師不能軍宵濟亦
終夜有聲丙辰楚重至於邲遂次于衡雍潘黨曰君
盍築武軍而收晉尸以為京觀臣聞克敵必示子孫
以無忌武功楚子曰夫文止戈為武夫武禁暴戢兵
保大定功安民和衆豐財者也武有七德我無一公
馬何以示子孫祀于河作先君宮告成事而還
羊大夫不敵君此其稱名氏以敵楚子何不與晉而
與楚子為禮也曷為不與晉而與楚子為禮也莊
王伐鄭勝乎皇門放乎路衢鄭伯肉袒左執茅旌右
執鸞刀以逆莊王曰寡人無良邊垂之臣以干天禍
是以使君王沛馬辱到敝邑君如矜此喪人錫之不
毛之地使帥一二耆老而綏焉請唯君王之命莊王
曰君之不令臣交易為言是以使寡人得見君之玉
面而微至乎此莊王親自手旌左右攜軍退舍七里

將軍子重諫曰南郢之與鄭相去數千里諸大夫死者數人廝後扈養死者數百人今君勝鄭而不有無乃失民臣之力乎莊王曰古者杆不穿皮不蠹則不出於四方是以君子篤於禮而薄於利要其人而不要其土告從不赦不詳吾以不詳道民災及吾身何日之有既則晉師之救鄭者至曰請戰莊王許諾子重曰晉大國也王師淹病矣君請勿許也莊王曰弱者吾威之彊者吾辟之是以使寡人無以立乎天下令之還師而逆晉寇莊王鼓之晉師大敗晉衆之走者舟中之指可掬矣莊王曰嘻吾兩君不相好百姓何罪令之還胡氏戰而言及主乎是戰者也案左氏師而佚晉寇晉師救鄭經既不以救鄭書矣又不言楚晉戰于邲而使晉主之何也陳人弑君晉不討賊而楚能討之楚人圍鄭亦既退師與鄭平矣而又與之戰則非觀釁之師也故釋楚不貶而使晉主之獨與常詞異乎案邲之役六卿並在大夫司馬皆

具官不欲勦民者三帥也違命濟師者先穀也而獨
罪林父何也尊無二上定于一也古者仗鉞臨戎專
制閫外雖君命有所不受況其屬乎樂書救鄭軍帥
之欲戰者八人武子遂還衆不敢遏偃陽之舉勾偃
二將皆請班師荀偃令曰七日不克必爾乎取之遂
下偃陽林父既知無及於鄭焉用之矣諸帥又皆信
然其策先穀若獨以中軍佐濟者下令三軍無得妄
動案軍法而行辟夫豈不可既不能令乃畏失屬亡
師之罪而從韓獻子分惡之言知難而冒進是棄晉
師於誰責乎故後誅先穀不去其官此稱敗績特以
林父主之也

案春秋中國與楚戰不以勝負皆以中國為主
徐邈曰內晉而外楚是也公羊以為荀林父稱
名氏先楚子者惡林父非也此因得臣書人而
穿鑿耳陳氏亦以為大夫敵君於是始蓋主公

羊說未可從也胡氏主乎是戰之說亦是蓋雖以中國為主然息爭之道當責之中國也義皆可通要之此條楚書子則知其非貶矣林父不書救則知其有罪矣不貶者退師之情可恕有罪者敗師之責難逃

附錄左氏

鄭伯許男如楚

左氏

晉師歸桓子諫曰不可城

濮之役楚殺子玉文公喜而後可知也曰莫余毒也已是晉再克而楚再敗也楚是以再世不競今天或者大警晉也而又殺林父以重楚勝其無乃久不競乎晉侯使復其位

秋七月○冬十有二月戊寅楚子滅蕭

戊寅十一月十九日

左氏

楚子伐蕭宋華椒以蔡人救蕭蕭人囚熊相宜僚及公子丙王曰勿殺吾退蕭人殺之王怒遂圍蕭蕭潰

申公巫臣曰師人多寒王巡三軍拊而勉之三軍之士皆如挾纊

公羊

疏春秋滅例書月莊王嘗

曰吾兩君不相好百姓何罪此王伯之言也今反滅人為過深矣是故書日變常例以深責之胡氏假於討賊而滅陳春秋以討賊之義重也未滅而書入惡其貳已而入鄭春秋以退師之情恕也未滅而書書圍與人為善之德弘矣至是肆其強暴滅無罪之國其志已盈雖欲赦之不得也故傳稱蕭潰經以滅書斷其罪也孟子曰以力假仁者伯伯必有大國楚莊蓋以力假仁不能久假而遽歸者也建萬國親諸侯者先王之政興滅國繼絕世者仲尼之法今乃滅人社稷而絕其祀不仁亦甚矣蕭既滅亡必無赴者楚莊矜其威力以滅蕭告赴諸侯恐中國耳孟子定其功罪以五伯為三王之罪人春秋史外傳心之要典推此類求之斯得矣

晉人宋人衛人曹人同盟于清丘

清丘衛地

左氏

晉原穀宋華椒衛孔

達曹人同盟于清丘曰恤病討貳於是卿不書不實其言也注宋伐陳衛救之不討貳也楚伐宋晉不救

不恤病也故大夫稱人宋華椒承羣偽之言胡氏書以誤其國宋雖有守信之善而椒猶不免譏

盟志同欲也或以惡其反覆而書同盟非也春秋不貴盟誓自隱公始年書儀父盟蔑宋人盟宿已不實

言矣奚待清丘然後惡其反覆乎清丘載書恤病討貳口血未乾敗其盟好所謂不待貶而惡見者也又

奚必人諸國之卿然後知反覆之可罪乎楚既入陳圍鄭大敗晉師伐蕭滅之憑陵中國甚矣為諸侯計

者宜信任仁賢修明政事自強於為善則可以保其國耳曾不是圖而刑牲歃血要質鬼神斲以禦楚謀

之不臧孰大於是故國卿貶而稱人譏失職也原穀違命喪師乃晉國罪人而主茲盟約所信任者皆可

知陳氏曷為貶稱人猶曰人自為盟也人自為盟自
鹿上以來未之有也於是再見其再見何中

國又無
伯也

案晉景公之同盟五清
丘斷道蟲牢馬陵于蒲

宋師伐陳衛人救陳左氏

宋為盟故伐陳衛人救之孔
達曰先君有約言焉若大國

討我則穀梁

疏不言善者衛宋同盟外楚今
反救陳不足可善故傳不釋

胡氏有

弑君之亂宋不能討而楚討之雖曰縣陳尋復封之
其德於楚而不貳未足責也宋人不能內自省德遽

以大衆伐之非義舉矣衛人救陳背盟失信而以救
書者見宋師非義陳未有罪而受兵為可恤也且謀

國失圖晏興師旅無休息之期則亂益滋矣其以救
書意在責宋也若衛叛盟則不待貶絕而惡自見矣

十有三年春齊師伐莒左氏

莒恃晉而不事齊故也

夏楚子伐宋左氏

以其救蕭也君子曰清丘之盟唯宋可以免焉

胡氏

楚人滅蕭將以

脅宋諸侯懼而同盟為宋人計者恤民固本輕徭薄賦使民效死親其上則可以待敵矣計不出此而急於伐陳攻楚與國非策也故楚人有詞于伐而得書爵

案楚有事於中國皆自鄭及宋楚成之爭伯敗宋於泓楚穆之爭伯弱宋於厥貉楚莊之興挾鄭人以侵宋卒之今年之伐明年之圍又明年之平而南北之勢成矣成十八年彭城之役楚又挾鄭以圖宋向非悼公之盛則于宋之盟不待襄公之末年而天下分伯矣

秋螽左氏

注為災故書

公羊

注先是新饑而使歸父會齊伐莒賦歛不足國家遂虛下求不

已之應

冬晉殺其大夫先穀左氏

赤狄伐晉及清先穀召之也冬晉人討邲之敗與清之師

歸罪於先穀而殺之盡滅其族君子曰惡之來也已則取之其先穀之謂乎胡氏先穀違命大敗

晉師元帥不能用鉞已失刑矣今又重有罪焉晉人治其罪而戮之義也曷為稱國以殺不去其官夫兵者安危所係有國之大事也將非其人則敗雖得其人使親信間之則敗以剛愎不仁者參焉而莫肯用命則敗此三敗者君之過也河曲之戰趙穿獨出而與駢之謀不用濟涇而次欒廩欲東而荀偃之令不行今林父初將中軍乃以先穀佐之使敵國謀臣知其從政者新未能行令誰之過歟故稱國以殺不去其官罪累上也

案越椒雖誅楚莊尚存子文之後先穀滅族
晉人不思先軫之功晉之德刑誠不及楚矣

十有四年春衛殺其大夫孔達左氏

清丘之盟晉以衛之救陳也討焉使

人弗去曰罪無所歸將加而師孔達曰苟利社稷請
以我說罪我之由我則為政而亢大國之討將以誰
任我則死之縊而死衛人以說于晉遂告于諸侯曰
寡君有不令之臣達構我敝邑于大國既伏其罪矣
敢告衛人以為成勞胡氏殺大夫而書名氏義不係
復室其子使復其位於專殺也孔達棄信誅之
可也何以稱國而不去其官用人謀國干犯盟主至
於見討誰之過歟稱國以殺不去其官罪累上也春
秋端本清源故書法如此

夏五月壬申曹伯壽卒○晉侯伐鄭左氏

晉侯伐鄭為邲故也告於

諸侯蒐馬而還中行桓子之謀也曰示之以整使謀而來鄭人懼使子張代子良于楚鄭伯如楚謀晉故也鄭以子良為胡氏比事以觀知其為報怨復讎之有禮故名之胡氏兵辭無所貶者直書其事而義自見矣

秋九月楚子圍宋左氏

楚子使申舟聘于齊曰無假道于宋申舟以孟諸之役惡宋曰

我則必死王曰殺女我伐之見犀而行及宋宋人止之華元曰過我而不假道鄙我也鄙我亡也殺其使者必伐我伐我亦亡也亡一也乃殺之楚子聞之投袂而起屣及於室皇劒及於寢門之外車及於蒲胥之市秋九月胡氏宋人要結盟誓欲以禦楚已非持楚子圍宋國之道輕舉大衆勦民妄動又非恤患之兵特書救陳以著其罪明見伐之由也國必自伐然後人伐之凡事其作始也簡其將畢也必巨

易於訟卦曰君子以作事謀始始而不謀必至於訟訟而不竟必至於師若宋是已始謀不臧至於見伐見圍幾亡其國則自取之也春秋端本故責宋為深若蠻夷圍中國則亦明矣

案楚至是再圍宋矣僖二十七年書楚人嫌詞也此書楚子直詞也

癸曹文公○冬公孫歸父會齊侯于穀左氏

歸父會齊侯于穀見

晏桓子與之言魯樂桓子曰子家其亡乎

胡氏

夫禮別嫌明微制治于未亂自天子出者也列國之

君非王事而自相聚會是禮自諸侯出矣以國君而降班失列下與外臣會以內臣而抗尊出位上與諸侯會是禮自大夫出矣君若贅旒陪臣執命豈一朝一夕之故其所由來漸矣故易於坤之初六曰馴致其道至堅冰也易言其理春秋見於張氏宣公之立行事若合符節可謂深切著明矣

張氏

宣公之立公子遂主

之故宣公事齊而遂父子常親于齊齊亦不復計等列之不班從而與之會也非禮甚矣

案大夫會諸侯始於單伯會齊侯于鄆繼見於公孫敖會晉侯于戚不知胡氏何以始發傳於此豈非以非伯事而私相會乎

十有五年春公孫歸父會楚子于宋左氏

孟獻子言於公曰臣聞小

國之免於大國也聘而獻物於是有庭實旅百朝而獻功於是容貌采章嘉淑而有加貨謀其不免也誅而薦賄則無及也今楚在宋君胡氏楚子不假道其圖之公說春歸父會楚子于宋胡氏楚子以啓釁端而圍之陵蔑中華甚矣諸侯縱不能畏簡書攘夷狄存先代之後嚴兵固圉以為聲援猶之可也乃以周公之裔千乘之國謀其不免至於薦賄不亦鄙乎若此類聖人不徒筆之於經也比事以觀則知治亂

升降盛衰之由春陳氏吾大夫始
秋經世之畧矣特會楚也

案歸父會楚子于宋正與昭九年叔弓會楚子
于陳書法事情皆同左氏胡氏傳得之矣何氏
以為善魯為救宋行雖不能解猶為見人之
厄則矜之故地以宋養遂其善意其說非也

夏五月宋人及楚人平左氏

宋人使樂嬰齊告急于晉
晉侯欲救之伯宗曰不可

古人有言曰雖鞭之長不及馬腹天方授楚未可與
爭雖晉之彊能違天乎諺曰高下在心川澤納汚山
藪藏疾瑾瑜匿瑕國君含垢天之道也君其待之乃
止使解揚如宋使無降楚曰晉師悉起將至矣鄭人
囚而獻諸楚楚子厚賂之使反其言不許三而許之
登諸樓車使呼宋人而告之遂致其君命楚子將殺
之對曰臣之許君以成命也死而成命臣之祿也楚
子舍之以歸夏五月楚師將去宋申犀稽首於王之

馬前曰毋畏知死而不敢廢王命王棄言焉王不能
答申叔時僕曰築室反耕者宋必聽命從之宋人懼
使華元夜入楚師登子反之牀起之曰寡君使元以
病告曰敝邑易子而食析骸以爨雖然城下之盟有
以國斃不能從也去我三十里唯命是聽子反懼與
之盟而告王退三十里宋及楚平華元為質盟曰我
無爾詐爾無我虞注平者總言二國和故公羊外平
不書其人賈逵曰人衆詞善其與衆同欲公羊不書
此何以書大其平乎已也何大乎其平乎已莊王圍
宋軍有七日之糧爾盡此不勝將去而歸爾於是使
司馬子反乘堙而闚宋城宋華元亦乘堙而出見之
子反曰子之國何如元曰憊矣曰何如曰易子而食
之析骸而炊之子反曰嘻甚矣憊雖然吾聞之也圍
者相馬而秣之使肥者應客是何子之情也元曰吾
聞君子見人之厄則矜之小人見人之厄則幸之吾
見子之君子也是以告情于子也子反曰諾勉之矣

吾軍亦有七日之糧爾盡此不勝將去而歸爾揖而去之反于莊王王曰何如子反曰憊矣易子而食之析骸而爨之王曰嘻甚矣憊雖然吾今取此然後而歸爾子反曰不可臣已告之矣軍有七日之糧爾王怒曰子曷為告之子反曰以區區之宋猶有不欺人之臣可以楚而無乎是以告之也王曰諾舍而止雖然吾猶取此然後歸爾子反曰然則君請處于此臣謀歸爾王曰子去我而歸吾誰與處于此吾亦從子而歸爾引師而去之故君子大其平乎已也此皆大夫也其稱人何貶平者在下也注已二大夫也大者大其有仁恩也在下者譏二子在君側不先以穀梁便宜反報歸美于君而生事專平故貶稱人

穀梁

平者成也善其量力而反義也人者衆詞也平稱衆上下欲之也外平不道以吾人之存焉道之也注謂歸父胡氏此華元子反二國之卿其稱人何貶也春秋賤欺詐惡侵伐二卿不愛其情釋怨解

紛使宋無亡國之憂楚無滅國之罪功亦大矣宜在所褒何以貶也善則稱君過則稱已則民作忠今二卿自以情實私相告語取必於上以成平國之功而其君不預知焉非人臣之義也世衰道微暴行交作君有聽於臣父有聽於子夫有聽於婦公卿有聽於陪隸仲尼所為懼春秋所以作也故平以解紛雖其所欲而平者在下則大倫紊矣聖人明其道不計其功故褒貶如此然則臣而有安國家利社稷者專之不可乎曰專之而可者謂境外也子反在君之側無奏報之難幾會之失奚急於平而專之若是哉或曰子反攘善則知其罪矣華元救國急難而紓其情實何尤焉夫宋先代之後武王所封以備三恪橫見侵逼非有可滅之罪也若以大義責之曰子為上卿不能恤小助桀為虐陵我郊保圍我城郭欲滅我社稷縱子得之何面目見中華之士乎使子反果忠楚莊果賢必為義動退師止衆結盟而反矣何必輕見情

實蹈不測之險乎後世羊陸效其所為交歡陳氏凡
邊境而議者以為非純臣也知春秋之法矣陳氏平
不書必關於天下之故然後書有與楚平者於陳不
書文九年於鄭不書宣十年至宋始書之宋嘗及楚
平矣僖二十四年至莊王始書之必宋從楚必
莊王得宋天下將有南北之勢春秋特致意焉
案春秋書平五獨此為外平此條之說陳氏為
長宋楚稱人疑穀梁及賈逵為優胡氏專取公
羊則以此平不過子反華元一言而解宋
楚實未嘗有盟誓也恐當時未必能如此

六月癸卯晉師滅赤狄潞氏以潞子嬰兒歸左氏

潞子嬰兒

之夫人晉景公之姊也酆舒為政而殺之又傷潞子
之目晉侯將伐之伯宗曰狄有五罪不祀一也嗜酒
二也棄仲章而奪黎氏地三也虐我伯姬四也傷其
君目五也六月癸卯晉荀林父敗赤狄于曲梁辛亥

滅潞鄆舒奔衛衛人歸諸晉晉人殺之其稱曰胡氏謹之也

注赤狄之別種氏國故稱氏子爵也
上卿為主將畧而稱師者著其暴也滅而舉號及氏者
滅見滅之罪著滅者之甚不仁也潞嬰兒不死社稷比
於中國而書爵者免嬰兒之責詞也亦狄未嘗侵掠晉
境非門庭之寇而恃強暴以滅之不仁甚矣又伐國之
要討其罪人斯止矣鄆舒者罪之在也今乃利狄之土
滅潞氏以其君歸何義乎春秋所以責晉而畧狄也

秦人伐晉

案此條諸傳皆無左氏於王札子殺召伯毛伯
後傳曰秋七月秦桓公伐晉次于輔氏壬午晉
侯治兵于稷以略狄土立黎侯而還及雒魏顓
敗秦師于輔氏獲杜回秦之力人也疑此文本
是此經之傳故陳氏曰秦人秦伯桓公也則亦
以為即七月之伐矣經傳之文其月日先後者

甚多不知杜氏何以不取

王札子殺召伯毛伯左氏

王孫蘇與召氏毛氏爭政使

卒立召襄注稱殺者名兩下相殺之辭兩下相殺則殺者有罪王札子王子札也蓋經文倒札字即王子

捷也疏非君殺臣故不言其大夫

公羊

王札子者何長庶之號也注禮天子庶兄冠而不名所以

尊之不稱伯仲者辟同母兄弟穀梁王札子者當上也據宣十年王季子為王母弟穀梁之辭也殺召伯

毛伯不言其大夫何也兩下相殺也兩下相殺不志乎春秋此其志何也矯王命以殺之非忿怒相殺也

故曰以王命殺也以王命殺則何志焉為天下主者天也繼天者君也君之所存者命也為人臣而侵其

君之命而用之是不臣也為人君而失其命胡氏王是不君也君不君臣不臣此天下所以傾也胡氏臣

有書字而言子者王季子是也有書子而係名者王
子虎是也此稱王札子者穀梁以為當上之詞也其
為當上之詞者矯王命以殺之也邢侯專殺雍子於
朝叔向以殺人不忌為賊請施邢侯君子以為義王
札子之罪當服此刑而天王不能施
之無政刑矣何以保其國而不替乎

秋螽胡氏

人事感於此則物變應於彼宣公為國虛內
以事外去實而務華煩於朝會聘問賂遺之
末而不知務其本者也故戾氣應之六年螽七年旱
十年大水十有三年又螽十有五年復螽府庫匱倉
廩竭調度不給而言
利剋民之事起矣

仲孫蔑會齊高固于無婁

無婁杞邑公羊作牟婁

胡氏

禮之始失也諸侯非

王事而自相會也無以正之不自天子出矣然後諸
侯與大夫會又無以正之然後大夫與大夫會禮亦

不自諸侯出矣田氏篡齊六卿分晉三家專魯
理固然也不能辨於早後雖欲正之其將能乎

案大夫會大夫始於叔彭生會晉卻缺于承筐
而胡氏獨發傳於此條之下未詳其說張氏亦
曰大夫相會蓋始于此豈非
以二子非國事而私相會乎

初稅畝左氏

初稅畝非禮也穀出不過藉以豐財也注
公田之法十取其一今又履其餘畝復十

收其一故哀公曰二吾猶不足遂以公羊
為常故曰初言初稅十二自此始也初者何始

何履畝而稅也何譏乎始履畝而稅古者什一而藉
古者曷為什一而藉什一者天下之中正也多乎什

一大桀小桀寡乎什一大貉小貉什一者天下之中
正也什一行而頌聲作矣注時宣公無恩信於民

不肯盡力於公田故履踐案行穀梁
擇其善畝穀最好者稅取之初者始也古者
什一藉而不稅

初稅畝非正也古者三百步為里名曰井田井田者
九百畝公田居一私田稼不善則非吏公田稼不善
則非民初稅畝者非公之去公田而履畝十取一也
以公之與民為已悉矣古者公田為居井竈葱韭盡
取焉注非責也吏田胡氏孟子曰耕者助而不稅則
畯也悉謂盡其力也胡氏天下之農皆悅而願耕於
其野矣初稅畝者譏宣公廢助法而用稅殷制公田
為助助者藉也周因其法為徹徹者通也其實皆什
一也古者上下相親上之於下則曰駿發爾私終三
十里惟恐民食之不給也下之於上則曰雨我公田
遂及我私惟恐公田之不善也故助法行而頌聲作
矣世衰道微上下交惡民惟私家之利而不竭力以
奉公上惟邦財之入而不惻怛以利下水旱凶災相
繼而起公田之入薄矣所以廢助法而稅畝乎初者
志變法之始也其後作丘甲用田賦至於二猶不足
則皆宣公啓之也故曰作法於涼其敝猶貪作法於

貧敵將若何有國家者必欲克
守成法而不變其必先務本乎

案稅畝之說公穀何氏范氏胡氏皆以為仍是
什而取一但廢古之助法爾左氏傳文亦無什
取二之意惟杜氏以為既取其公田又稅其私
田十之一則為十而取二此說似太過徐邈注
穀梁以為除去公田之外又稅私田之十一楊
士勛亦從之然於去公田之解亦牽強而朱子
集注亦曰魯自宣公稅畝又逐畝十取其一則
為十而取二矣似亦從杜氏之說蓋未詳孰是
但變法之初未必遽至倍取故當且從胡氏○
又案經書初二獻羽也稅畝也○又案趙子賦
稅例三此年稅畝成元作丘甲哀十二用田賦
也趙子改革例十初獻六羽躋僖公初稅畝作
丘甲立武宮作三軍舍中軍立煬宮從祀先公
用田賦也凡變常之事皆書革而上者比於治

革而下者比於亂察其所革而興亡兆矣

冬螽生左氏

螽生饑幸之也注螽子以冬生遇寒而死不為物害時歲雖饑猶喜而書之公

羊

螽生不書此何以書幸之也幸之者何猶曰受之云爾受之云爾者何上變古易常應是而有天災

其諸則宜於此焉變矣注螽即蠅也始生曰螽大曰蠅言宣公於此天災饑後能受過變寤明年復古行中冬大有年其功美過於無災故君子深為穀梁喜而僥倖之變蠅言螽以不為災書起其事穀梁非災也其曰螽非稅畝之災也注凡春秋記災未有言生者螽之言緣也緣宣公稅畝故生此災以責之非責也

胡氏

秋螽未息冬又生子災重及民也詳志之如此者急民事謹天災仁人之心王者之務也

遇天災而不懼忽民事而不修而又為繁政重賦以感之國之危無日矣

案此條三傳皆以為不為災左氏既有不為災不書之例杜氏於此乃以為喜而書之此已強通何氏又以為宣公能受過變寤明年復古行中故君子喜而幸之此亦無据竊詳左氏公羊所謂幸之者得非春秋幸天道之即應庶幾宣公之能變乎而注者直以為宣公能變則失之矣穀梁說雖鑿亦好

饑左氏

注風雨不和

胡氏

春秋饑歲多矣書于經者三而宣公獨有其二何也古者

三年耕餘一年之蓄九年耕餘三年之食雖有凶旱民無菜色是歲雖螽蟃而遽至於饑者宣公為國務華去實虛內事外煩於朝會聘問賂遺之末而不敷其本府庫竭矣倉廩匱矣水旱螽蟃天降饑饉亦無以振業貧乏矣經所以獨兩書饑以示後世為國之不可不敷本也

十有六年春王正月晉人滅赤狄甲氏及留吁左氏士晉

會帥師滅赤狄甲氏及留吁鐸辰胡氏案左氏董是後者士會也上

潞之遺種留吁其殘邑也春秋於夷狄攘斥之不使亂中夏則止矣必欲盡殄滅之無遺種豈仁人之心

王者之事乎士會所以貶稱人也

附錄左氏晉獻狄俘晉侯請于王以黻冕命士會將中軍且為太傅於是晉國之盜逃奔

于秦

夏成周宣榭火

榭公作謝火作災穀亦作災

左氏

人大之也凡大人火曰火天火曰災

注成周洛陽宣榭講武屋別在洛陽者疏服虔曰宣揚威武之處公羊成周者何東周也宣謝者

何宣宮之謝也何言乎成周宣謝災樂器藏焉穀梁
爾何以書記災也外災不書此何以書新周也
周災不志其曰宣榭何也胡氏成周天子之東都宣
以樂器之所藏目之也榭宣王之廟也案呂
大臨考古圖有邠敷者稱王格于宣榭呼內史策命
邠是知宣榭者宣王之廟也古者爵有德祿有功必
於大廟示不敢專也榭者射堂之制其堂無室以便
射事故凡無室者皆謂之榭宣王之廟謂之榭者其
廟制如榭也宣榭火何以書以宗廟之重書之也貴
戚擅殺大臣而天子不討王室不復能中興矣人火
之天所以張氏廟無室曰榭杜氏以為講武屋宣王
見戒乎南征北伐講武於此詩所謂復會諸
侯于東都因存其廟蓋古
者祖有功故百世不毀也

案楚語曰先王之為臺榭也榭不過講軍實故
知榭是講武屋也杜氏知榭為講武處而昧於

宣字之義公穀知宣榭為宣王廟而不辨其為講武之所若但以為宣王廟則何不在京師而在成周乎且又何以名之曰榭乎故此條張氏發明胡氏之說且兼用三傳之所長為得之公穀又以為宣王中興所作樂器藏於此因天災之變見周之不復興也未知何据恐傳聞之謬公羊新周之說蓋以為春秋王魯故惟於周宋書災為王者之後記災也此其一家之義不可從

秋郊伯姬來歸左氏

出也

胡氏

春秋內女出夫人歸凡男女之際詳書于策正人倫

之本也

案內女被出來歸三齊子叔姬郊伯姬杞叔姬啖子曰為婦而出著其非也

冬大有年穀梁

五穀大熟為大有年胡氏

程氏曰大有年記異也旱乾水溢饑饉荐臻者

災也山崩地震彗孛飛流者異也景星甘露醴泉芝草百穀順成者祥也大有年上瑞矣何以為記異乎凡災異慶祥皆人為所感而天以其類應之者也人事順於下則天氣和於上宣公弑立逆理亂倫水旱螽蟥饑饉之變相繼而作史不絕書宜也獨於是冬乃大有年所以為異乎夫有年大有一旦古史書之則為祥仲尼筆之則為異此言外微旨非聖人莫能修之者也張氏宣公奪適而加而天災之屢見今年大有年亦所以記咎證常多故曰記異也

案有年二詳見桓三年

十有七年春王正月庚子許男錫我卒丁未蔡侯申卒

夏葬許昭公葬蔡文公胡氏

日卒書名赴而得禮記之詳也葬而不月其畧在內

宣公為國務華而無忠信誠慤之心計利而不知禮義邦交之實哀死送終獨厚於齊而利害不切其身者皆闕如也大則薄於君親次則忽其盟主又其次若秦若衛若滕雖來赴告急於禮而不會也比事而觀義自見矣

六月癸卯日有食之

案穀梁傳例曰言日不言朔食晦日也而十年己巳在丙辰之下此年己未在癸卯之下故范氏以為推尋義例當在閏月閏承前月而受其餘日故書閏月之日繫前月之下蓋史策常法故哀五年公羊傳曰閏月不書此說無据恐當以徐邈之言為正詳見隱三年左注以為不書

朔官
失之

已未公會晉侯衛侯曹伯邾子同盟于斷道

斷道晉地

左氏

晉侯使郤克徵會于齊齊頃公帷婦人使觀之郤子登婦人笑於房獻子怒出曰所不此報無能涉河獻子先歸使欒京廬待命于齊曰不得齊事無復命矣郤子至請伐齊晉侯弗許請以其私屬又弗許齊侯使高固晏弱蔡朝南郭偃會及斂孟高固逃歸夏會于斷道討貳也盟于卷楚辭齊人晉人執晏弱蔡朝南郭偃苗賁皇言於晉侯曰夫晏子何罪昔諸侯事吾先君皆如不逮舉言羣臣不信諸侯皆有貳志齊君恐不得禮故不出而使四子來左右或沮之曰君不出必執吾使故高子及斂孟而逃三子犯難而來吾若善逆彼以懷來者吾又執之以信齊沮吾不既過矣乎晉人緩之逸秋八月晉師還范武子請老召

文子曰變乎吾聞之喜怒以類者鮮易者實多詩曰
君子如怒亂庶遄沮君子如祉亂庶遄已君子之喜
怒以已亂也弗已者必益之郤子其或者欲已亂於
齊乎不然余懼其益之也余將老使郤子逞其志庶
有豸乎乃請老郤獻穀梁同者有同也胡氏書同盟
子為政注豸解也穀梁同外楚也胡氏志同盟
也大國率之小國畏威而從命非同欲也小國訴之
大國勉強而應焉非同欲也若斷道之盟諸侯同心
謀欲伐齊釋其憤怒非有不得已而要之者也或以
為會同天子之事築宮為壇設方明如方嶽之盟故
書同疑其陳氏同盟至新城而再見斷道
說之誤矣之後不曰同盟者寡矣

案此盟諸傳皆以為謀齊而穀梁獨以為外楚
蓋拘於同尊同外之例恐非事實然此舉出於
宋及楚平之後而徵會于齊則初意為盟誠因
懼楚但郤克既怒齊遂就起伐齊之謀耳穀說

亦不為無据其胡氏所疑或說臨江劉氏之言也詳見莊十六年○又案此盟獨魯衛曹者即穀梁所謂魯行父晉卻克衛孫良夫曹公子首同日使齊皆見笑辱者也故鞏戰亦具列四子然穀梁以四子聘齊在成元年故此不以為謀齊之盟恐穀梁得其事而失其時耳

秋公至自會

案魯自黑壤止公之後不事晉者十年至是始背齊而事晉則行父之憤也故宣公之編黑壤書至會斷道書至會

冬十有一月壬午公弟叔肸卒左氏

公母弟也凡犬子之母弟公在曰公

子不在曰弟凡稱弟皆母弟也

公羊

注稱字者賢之宣公篡立叔肸不仕其朝不食其祿終身於貧

賤故孔子曰篤信好學守死善道危邦不入亂邦不居者也禮盛德之士不名天子上大夫不名春秋公子不為大夫者不卒卒而字者起其宜為天子穀梁

上大也孔子曰舉逸民天下之民歸心焉

穀梁

其曰公弟叔肸賢之也其賢之何也宣弑而非之也非之則胡為不去也曰兄弟也何去而之與之財則

曰我足矣織屨而食終身不食宣公之食君子以是為通恩也以取貴乎春秋注論情可以明親親言義

足以厲不軌書曰

胡氏

稱弟得弟道也稱字賢也何

公弟不亦宜乎

賢乎叔肸宣弑而非之也非

之則胡為不去也兄弟無絕道故雖非之而不去也與之財則曰我足矣終身不食宣公之祿君子以是

為通恩也論情可以明親親言義可以厲不軌所以

取貴乎春秋書曰公弟而稱字以表之也公子為正

大夫而書卒貴也不為大夫而特書卒賢也或以叔肸為寵弟在宣公有私親之愛故生而賜氏俾世其

卿與季友仲遂比則其說誤矣誠使叔肸有寵生而
賜氏則是貴戚用事之卿豈有不見於經者齊年鄭
語在外之見於經者季友仲遂在內之見於經者勢
必與聞政事執國命矣况宣公之時煩於聘問會朝
之禮遂蔑季孫歸父交於鄰國衆矣而獨叔陳氏公
肸不與焉其非生而賜氏俾世其卿亦明矣陳氏弟
者何非見大夫也非大夫不卒而卒叔肸賢之也賢
之所以惡宣公也凡先君之子稱公子有謂稱弟是
故宋地辰兄弟也一篇之間譏稱宋公之弟辰無譏
則從其恒稱為公子地陳公子招一人也譏稱陳侯
之弟招無譏則從其恒稱為公子招故不弟稱弟不
友稱弟不弟稱弟傳曰陳侯之弟招殺陳世子偃師
罪在招也不友稱弟傳曰秦伯之弟鍼出奔晉罪秦
伯也叔肸稱弟惡宣公也公穀左氏母弟稱弟例不

取
張氏泰山孫氏曰不曰公子公
孫以見肸無祿而卒也

案三傳母弟之說杜氏曰母弟之寵異於衆弟蓋緣自然之情以養母氏之志所以隆友于之恩然庶弟不得稱公弟而母弟或稱公子若嘉好之事則仍舊史之文唯相殺害然後据例以示義此論先儒多不取詳見隱七年○又案兄弟先公之子當稱公子諸侯之兄弟當稱字其稱弟稱名若齊年鄭語衛黑背陳招之類者罪其兄有寵愛之私亦罪其人之恃寵而當國也陳光秦鍼宋辰衛鱣佞夫之類罪其兄薄友愛之義亦罪其人之不能盡道以取禍也蔡季許叔紀季蔡叔魯季子等稱字者春秋之正例無貶詞也無貶即賢之也其不稱公子者不以貴戚累之其不稱弟者不以私與薄累其兄也止係國者言與國一體也季子不可稱國則以子係之美之也叔肸書字而書弟此春秋之變例稱弟者明其得弟道稱字者著其賢也惟其稱

字所以異於其餘之稱弟者也。○案陳氏說亦好但以公子地為無譏此語直礙。○又案穀梁曰叔肸不去取貴於春秋。○鮑之去合乎春秋者楊士勛曰易稱君子之道或出或處。○鮑以衛侯惡而難親恐罪及已故棄之而去使君無殺臣之惡兄無害弟之愆故得合於春秋。○此叔肸以君有大逆不可受其祿者又是孔懷之親不可奮飛使君臣之節兩通兄弟之情俱暢故亦取貴於春秋。○叔肸書字鮑直稱名者叔肸內可以明親親外足以厲不軌。○此鮑也。○賢乎遠矣。○故貴之稱字鮑雖合於春秋無大善可應故直書名而已。○此說是也。○又案肸子後為叔氏公孫嬰齊。○叔弓叔鞅叔輒叔還。

十有八年春晉侯衛世子臧伐齊左氏

晉侯衛太子臧伐齊至于陽穀

齊侯會晉侯盟于繒以公子彊為質于晉晉師還蔡朝南郭偃逃歸胡氏保國以禮為本者也齊頃公不謹於禮自己致寇所謂國必自伐而後人伐之矣諸侯上卿皆執國命取必於其君以行其克伐怨欲之私故盟于斷道師于陽穀大戰於鞏逞其志而後止春秋詳書于策見伐與伐者之罪皆可以為鑑笑

公伐杞陳氏

自是內不言君將征伐在大夫矣

案自此以前侵伐十四凡九書公自此以後侵伐十二惟四書公

夏四月○秋七月邾人戕鄆子于鄆

鄆穀作繒

左氏

凡自虐其君曰

弑自外曰戕

穀梁

戕猶殘殺也注地于鄆惡其臣子不能距難

胡氏

戕者殘賊而殺之也

于鄢者刺臣子不能救君難也邾人蓋嘗執鄢子用之則不共戴天之世仇也既不能復又使邾人得造其國都而戕殺其君曰于鄢者所以深責鄢之臣子至此極也

甲戌楚子旅卒

作呂

左氏

夏公使如楚乞師欲以伐齊楚莊王卒楚師不出既而用

晉師楚於是公羊

吳楚之君不書葬辟其號穀梁夷也注書卒者因其有賢行

卒卒少進也卒而不日日少進也日而不言正不正簡之也

胡氏

楚僭稱王降而稱子者是仲尼

筆之也其不書葬恐民之惑而避其號是仲尼削之也若楚若吳若徐皆自王降而稱子若滕自侯降而稱子若杞自伯降而稱子四夷雖大皆曰子其降而稱子者狄之也或謂春秋不擅進退諸侯亂名實者非矣述天理正人倫此名實所由定也奚名為亂哉

案楚莊立於文公十三年至是二十三年自宣公十年以後春秋多予楚之辭

公孫歸父如晉左氏

歸父以襄仲之立公也有寵欲去三桓以張公室與公謀而聘于晉

欲以晉胡氏

宣公因齊得國故刻意事之雖易世猶未怠也及頃公不能謹禮怒晉魯上卿

而卻克當國決策討之晉方強盛齊少懦矣於是背齊而事晉其於邦交以利為向背無忠信誠慤之心者也夫輕於背與國易於謀大家而不知其本未有能成而無悔也然則公室不可張乎務引其君當道正心以正朝廷禮樂刑政自己出也其庶幾乎必欲倚外援以去之是去疥瘍而得腹心之疾也庸愈哉

案宣公聘晉止此一事

冬十月壬戌公薨于路寢歸父還自晉至笙遂奔齊左

氏冬公薨季文子言於朝曰使我殺嫡立庶以失大援者仲也夫臧宣叔怒曰當其時不能治也後之

人何罪子欲去之許請去之遂逐東門氏子家還及笙壇帷復命於介既復命袒括髮即位哭三踊而出

遂奔齊書曰歸父公羊還者何穀梁與人之子守其還自晉善之也公羊善詞也穀梁父之殯捐殯而

奔其父之使者是亦胡氏仲尼稱孟莊子之孝其不奔父也遂繼事也胡氏改父之臣與父之政是難

能也又曰三年無改父之道可謂孝矣夫仁人孝子於其父之臣非有大不可如晉悼公於夷羊五之屬

必存始終進退之禮而不遽也歸父以君命出使未反而君薨在聘禮有執圭復命于殯之文升自西階

子臣皆哭情亦戚矣今宣公猶未殯而東門氏逐忍乎哉書曰歸父還自晉已畢事之詞也至笙遂奔齊

者罪成公君臣死君而忘父逐之亟也穀梁子曰捐殯而奔其父之使者是亦奔父也得經意矣君薨家

遣方寸宜亦亂而造次顛沛不失禮焉非志於仁者弗能也詞繁而不殺歸父之善自著矣比事以觀則見當國者有無君之心此春秋所以作不可不察也

案宣公即位十八年乃不義之君也大畧與桓公相類除即位有年書法同桓公外其餘事同則從同同矣宣公因齊得國終身事齊自黑壤見止之後南逋於楚當是時晉之伯事不振故魯亦得以自縱數侵犯小國以自益而晉問不及焉直至十七年斷道之盟始背齊事晉則以季孫之憤也於是歸父逐而三家之張成矣先儒李氏曰賂田求昏君大夫奔走無寧歲以為媚齊之謀不會于扈不盟于清丘而無事晉之志一逞於兵則伐莒伐邾猶未已也則伐萊伐杞一放於利則取向取繹猶未厭也而取根牟此宣之所以無良圖也斯言得之矣

春秋諸傳會通卷十五



覆校官檢討臣季學錦

校對官檢討臣郭寅

謄錄監生臣費雲開

欽定四庫全書薈要

經部

春秋會通卷十六

詳校官原任侍講臣王燕緒



欽定四庫全書薈要卷一千六百四十一

經部

春秋諸傳會通卷十六

元李廉撰

成公

名黑肱謚法安民立政曰成在位十八年

左氏

䟽魯世家云成公宣公之子穆姜所

生宣公薨成公立

周定王十七年

元年春王正月公即位○二月辛酉葬我君宣

公○無冰左氏

注周二月今之十二月而無冰書冬溫

公羊

注尚書曰豫恒燠若京房

傳曰當寒而溫例賞也是時成公幼少季孫行父專權而委任之所致

穀梁

終時無冰則志此未

終時而言無冰何也終胡氏寒極而無冰者常燠也
無冰矣加之寒之詞也案洪範傳曰豫恒燠若
此政事舒緩紀綱縱弛之象成公幼弱政在三家公
室不張其象已見故當涸陰沍寒而常燠應之古者
日在北陸而藏冰獻羔而啓朝之祿位賔食喪祭冰
皆與焉此亦變調愆伏之一事也今既寒而燠遂廢
凌人之職然策書所載皆經邦大訓人有微而不登
其姓名事有小而不記其本末雨雹冰雪何以悉書
天人一理也萬物一氣也觀於陰陽寒暑之變以察
其消息盈虛此制治於未亂慎於微之意也每慎於
微然後王事備矣

案經書無冰三惟此書在三月之上則二月也
正義曰竟春無冰則書今此月寒最其此月無
冰則終無冰矣穀梁曰加之寒之詞也范注曰
此月既是常寒之月又如加甚常年過此無則

終無復冰矣
二說皆是

三月作丘甲左氏

為齊難故作丘甲注周禮小司徒及司馬法九夫為井四井為邑四邑為

丘丘十六井出戎馬一匹牛三頭四丘為甸甸六十四井出長轂一乘戎馬四匹牛十二頭甲士三人步

卒七十二人戈楯具此甸所賦今魯使丘出公羊譏

之譏重欽故書疏暫為之非終用故不書初公羊何

譏爾譏始丘使也注甲鎧也譏始使丘民穀梁作為

作鎧也謂不辨能否以丘責甲故譏之矣丘為甲也丘甲國之事也丘作甲非正也丘作甲之為

非正何也古者立國家百官具農工皆有職以事上古者有四民有士民有商民有農民有工民胡氏作

夫甲非人人之所能為也丘作甲非正也

甲益兵也古者四丘為甸地方八里旁加一里為成

所取於民者出長轂一乘此司馬法一成之賦也為

欽定四庫全書

春秋會通

二

齊難作丘甲益兵備敵重困農民非為國之道其曰作者不宜作也唐太宗問李靖楚廣與周制如何靖曰周制一乘步卒七十二人甲士三人以二十五人為一甲凡三甲共七十五人然則一丘所出十有八人積四丘而具一乘耳今作丘甲是一甸之中共百人為兵矣則未知其所作者三甸而增一乘乎每乘而增一甲乎魯至昭公時嘗蒐于紅革車千乘則計甸而增乘未可知也楚人二廣之法一乘至用百有五十人則魯每乘而增一甲亦未可知也賦雖不同其實皆為益兵其數皆增三之一耳先儒或言甲非人人之所能為又以為丘出甸賦加四倍者誤矣

案此條惟胡氏得之蓋司馬法舊制四丘出三甲三甲為七十五人令四丘出四甲四甲為百人四丘六十四井五百一十二家也公穀之說固無足取杜氏則又太過豈有一丘十六井一

百二十八家而使之出一乘之賦哉且信如杜
說則亦當曰作丘乘不當曰作丘甲矣故胡氏
不取○案范例作例六直云作者三作僖公主
作丘甲作三軍新作三新作南門新延殿新作
雉門也然延
殿不書作

夏臧孫許及晉侯盟于赤棘

赤棘晉地左氏

聞齊將出楚師夏盟于赤棘冬

臧宣叔令修賦繕完具守備曰齊楚結好我新與晉
盟晉楚爭盟齊師必至雖晉人伐齊楚必救之是齊
楚同我也知難而胡氏初宣公謀以晉人去三桓歸
有備乃可以逞父為是見逐而奔齊矣今季

孫當國恨齊人之立宣公納歸父又懼晉侯之或見
討也故往結此盟赤棘晉地也其稱及魯所欲也盟
非春秋所貴而惡屢盟者非惟長亂亦國用民力所
難給也成公即位之初方經大故未有施舍已責逮

鯀寡救乏困之事也為齊難既作丘甲矣聞將出楚師又遠與晉尋盟豈固本保邦之道乎書及晉侯盟于赤棘非特備齊懼晉蓋三桓懷忿懟君父之心將有事於齊而汲汲欲之者罪可知矣

秋王師敗績于茅戎

茅公穀並作質

左氏

晉侯使瑕嘉平戎于王單襄公如晉拜成

劉康公微戎將遂伐之叔服曰甘盟而欺大國必敗不聽敗績于徐吾氏穀梁不言戰莫為尊者諱敵不諱敗為親者諱敗不諱敵尊尊親親之義也注尊謂王親謂魯胡氏程氏曰諸侯不言敗諸侯不可敵王也於夷狄不言戰夷狄不能抗王也不可敵不能抗者理也其敵其抗王道之失也桓王伐鄭兵敗身傷而經不書敗存君臣之義立天下之防也劉康公邀戎伐之敗績於徐吾氏而經不書戰辨華夷之分立中國之防也是皆聖人筆削非魯史之舊文矣其書敗績于茅戎者言自敗

也其自反亦至矣

案此條左氏得之公穀以為王師討晉而晉敗之於貿戎之地其說無据不可取

冬十月附錄穀梁

冬十月季孫行父禿晉郤克眇衛孫良夫跛曹公子手僂同時而聘于齊

齊使禿者御禿者使眇者御眇者使跛者御跛者使僂者御僂者蕭同姪子處臺上而笑之聞於客客不說而去相與立胥閭而語移日不解齊人有知之者曰齊之患必自此始矣注穀梁釋經無橫發傳者疑脫季孫行父如齊六字疏郤克眇左氏作跛未知孰是

二年春齊侯伐我北鄙左氏

齊侯伐我北鄙圍龍頃公之嬖人盧蒲就魁門焉龍

人囚之殺而膊諸城上齊侯親鼓士陵城取龍遂南侵及巢丘胡氏

初魯事齊謹甚雖易世而聘會

不絕也及與晉侯盟于斷道而後怨隙成再盟于赤棘而後伐吾北鄙齊侯之興是役非義矣魯人為鞏之戰豈義乎同曰憤兵務相報復而彼此皆無善者則亦不待貶絕而罪自見矣

案此齊之弱魯第四役也自齊懿公之後齊兵不至魯者二十年於是再見

夏四月丙戌衛孫良夫帥師及齊師戰于新築衛師敗

績

丙戌五月一日新築衛地左氏衛侯使孫良夫石稷甯相向禽將

不可以師伐人遇其師而還將謂君何若知不能則如無出今既遇矣不如戰也新築人仲叔于奚救孫桓子桓子是以免既衛人賞之以邑辭請曲縣繁纓以朝許之仲尼聞之曰惜也不如多與之邑唯器與名不可以假人君之所司也孫桓子還不入遂如晉乞師臧宣叔亦如晉乞師皆主卻獻子晉侯許之七

百乘郤子曰此城濮之賦也有先君之明先大夫胡
之肅故捷克於先大夫無能為役請八百乘許之胡
氏齊師侵虐而以衛主此戰何也衛侯初與晉同盟
于斷道矣又使世子臧與晉同伐齊矣又使孫良
夫石稷將侵齊矣及與齊師遇石稷欲還良夫不可
故齊師雖侵虐而以衛主之也春秋善解紛貴遠怨
而惡以兵刃相陳氏衛書大夫帥師於是始大夫強
接故書法如此陳氏也良夫世為卿至林父出其君
以叛是故雖孔達不言帥師張氏戰而不能勝者聖人
師必若良夫而後言帥師所以重民命而存國體也良夫不
立全師愛民之法所以重民命而存國體也良夫不
從石稷之言必進而戰致敗君衆幾於喪身辱國此
春秋所以卑良夫而
以為新集之戰主也

六月癸酉季孫行父臧孫許叔孫僑如公孫嬰齊帥師

會晉郤克衛孫良夫曹公子首及齊侯戰于鞏齊師敗

績首公左氏

晉郤克將中軍士燮佐上軍欒書將下軍韓厥為司馬以救魯衛臧宣叔逆晉師且

道之季文子帥師會之師從齊師于莘至于靡笄之下齊侯使請戰曰子以君師辱于敝邑不腆敝賦詰朝請見對曰晉與魯衛兄弟也來告曰大國朝夕釋憾於敝邑之地寡君不忍使羣臣請於大國無令與師淹於君地能進不能退君無所辱命齊侯曰大夫之許寡人之願也若其不許亦將見也齊高固入晉師桀石以投人曰欲勇者賈余餘勇癸酉師陳于鞏邠夏御齊侯逢丑父為右晉解張御郤克齊侯曰余姑翦滅此而後朝食不介馬而馳之郤克傷於矢流血及屨未絕鼓音曰余病矣張侯曰自始合而矢貫余手及肘余折以御左輪朱殷豈敢言病吾子忍之師之耳目在吾旗鼓進退從之此車一人殿之可以

集事若之何其以病敗君之大事也擐甲執兵固即死也病未及死吾子勉之左并轡右援枹而鼓馬逸不能止師從之齊師敗績逐之三周華不注韓厥從齊侯逢丑父與公易位將及華泉驂絰於木而止韓厥執繫馬前再拜稽首奉觴加璧以進曰寡君使羣臣為魯衛請曰無令輿師陷入君地下臣不幸屬當戎行無所逃隱敢告不敏攝官承乏丑父使公下如華泉取飲齊侯免韓厥獻丑父郤獻子將戮之呼曰自今無有代其君任患者有一於此將為戮乎郤子曰人不難以死免其君我戮之不祥赦之以勸事君者乃免之齊侯免求丑父三八三出遂自徐闕入晉師從齊師入自丘輿擊馬陘注首命於國備於禮成為卿也

公羊

曹無大夫公子手何以書憂內也注魯舉四大夫不舉重者惡內多虛國家悉

出用穀梁

其日或曰日其戰也或曰日其悉也曹無大夫以吾之四大夫在焉舉其貴者也

胡氏

大國三軍次國二軍魯雖大國而四卿並將是四軍也當此時舊制猶存尺地皆公室之土也

一民皆公室之兵也上卿行父與僑如嬰齊各帥一軍會戰而臧孫許如晉乞師又逆晉師為之道本不將兵特往來晉魯兩君之間預謀議耳成公初立主幼國危為季孫一怒掃境內興師而四卿並出肆其憤欲雖無人乎成公之側有不恤也然後政自季氏出矣將稱元帥略其副屬詞之體也而四卿皆書者豈特為詳內錄哉堅冰之戒亦明矣經之大例受伐者為主而此以四國及之者以一笑之微殘民毒衆幾獲其君而怒猶未怠焚雍門之洩侵車東至海故以四國主之為憤兵之大戒見諸行事深切著明矣

案春秋列書將佐始此自此以後昭十年伐莒書三卿哀二年伐邾書三卿成六年侵宋書二卿定八年侵衛書二卿陳氏曰書四卿是各自帥也自文之季年而無使介至是而無將佐魯

三家之勢成矣於是衛未有大夫將書良夫曹無大夫書公子首而賞鞏之功晉於是六卿征伐在大夫不獨魯也

秋七月齊侯使國佐如師己酉及國佐盟于袤婁

鞏婁與袤婁

並齊地不知遠近穀梁縣地左氏

齊侯使賓媚人賂以紀甌王磬與地不可

則聽客之所為賓媚人致賂晉人不可曰必以蕭同叔子為質而使齊之封內盡東其畝對曰蕭同叔子非他寡君之母也若以匹敵則亦晉君之母也吾子布大命於諸侯而曰必質其母以為信其若王命何且是以不孝令也詩曰孝子不匱永錫爾類若以不孝令於諸侯其無乃非德類也乎先王疆理天下物土之宜而布其利故詩曰我疆我理南東其畝今吾子疆理諸侯而曰盡東其畝而已唯吾子戎車是利

無顧土宜其無乃非先王之命也乎反先王則不義
何以爲盟主其晉實有闕四王之王也樹德而濟同
欲焉五伯之霸也勤而撫之以役王命今吾子求合
諸侯以逞無疆之欲詩曰布政優優百祿是適子實
不優而棄百祿諸侯何害焉不然寡君之命使臣則
有辭矣曰子以君師辱於敝邑不腆敝賦以搞從者
畏君之震師徒撓敗吾子惠徼齊國之福不泯其社
稷使繼舊好唯是先君之敝器土地不敢愛子又不
許請收合餘燼背城借一敝邑之幸亦云從也況其
不幸敢不唯命是聽魯衛諫曰齊疾我矣其死亡者
皆親暱也子若不許讎我必甚唯子則又何求子得
其國寶我亦得地而紓於難其榮多矣齊晉亦惟天
所授豈必晉晉人許之對曰羣臣帥賦輿以爲魯衛
請若苟有以藉口而復於寡君君之惠也敢不唯命
是聽禽鄭自師逆公秋七月晉師及齊國佐盟于袤
妻使齊人歸我汶陽之田公會晉師于上鄆賜三帥

先路三命之服司馬司空與公羊國佐揖而去之郤師侯正亞旅皆受一命之服

以其辭而為之請然後許之逮于爰婁而穀梁韋去與之盟注逮及也追及國佐于爰婁也

穀梁

韋去

百里爰婁去國五十里一戰縣地五百里焚雍門之

茨侵車東至海君子聞之曰夫甚甚之辭焉齊有以

取之也齊之有以取之何也敗衛師于新築侵我北

鄙敖郤獻子齊有以取之也爰婁在師之外郤克曰

反魯衛之侵地以紀侯之覲來以蕭同姪子之母為

質使耕者皆東其畝然後與子盟國佐曰反魯衛之

侵地以紀侯之覲來則諾以蕭同姪子之母為質則

是齊侯之母也齊侯之母猶晉君之母也使耕者盡

東其畝則是終土齊也不可請一戰一戰不克請再

再不克請三三不克請四四不克請五五不克舉國

而授於是胡氏齊國佐如師與楚屈完來一也然陰

而與之盟胡氏之役則曰來盟于師盟于召陵鞏之

戰則曰及國佐盟于袤妻何也荆楚暴橫憑陵諸夏
齊桓公仗義聲罪致討威行江漢之上不待加兵而
楚人帖服其書來盟于師者楚人自服而求盟也盟
于召陵者桓公退舍禮與之盟也在春秋時斯為善
矣若夫爰妻則異於是齊雖侵虐未若荆楚之暴也
諸國大夫含憤積怒欲雪一笑之恥至於殺人盈野
非有擊強扶弱之心國佐如師將以賂免非服之也
晉大夫又不以聽命使齊人盡東其畝而以蕭同叔
子為質夫蕭同叔子齊君之母也則亦悖矣由是國
子不可請合餘燼背城借一揖而去之卻克使魯衛
之使以其詞為之請逮乎爰妻而與之盟則汲汲欲
盟者晉也故反以晉人及之若此類見曲直之繩墨
矣是故制敵莫如仗義天下莫大於理張氏齊國治
而強有力不與焉亦可謂深切著明矣
臨淄去
雒陽東千八百
里縣西有袤妻

案此條三傳說略同公羊序事與穀梁相出入
但以使齊為臧孫許及卻克斲丑父等小不合
又左氏作蕭同叔子以為同叔蕭君之字其子
齊君之母也此說得之公羊作蕭同姪子以蕭
同為國名姪子者蕭同君姪弟之子嫁於齊生
頃公穀梁作蕭同姪子之母以為蕭國也同姓
也姪子字也其母更嫁齊惠公生頃公楚人滅
蕭隨母在齊其說無据○又案陳氏曰屈完不
言使而國佐言使屈完不言使而退盟之於召
陵以禮於楚子國佐言使而進盟之於袁婁以
偪齊君桓公之所不敢而四國之臣敢
為之甚矣韋戰之忿也餘見僖四年

八月壬午宋公鮑卒左氏

宋文公卒始厚葬用蜃炭益
車馬始用殉重器備樽有四

阿棺有翰檜君子謂華元樂舉於是乎不臣臣治煩
去惑者也是以伏死而爭今二子者君生則縱其惑

死又益其侈是棄君
於惡也何臣之為

庚寅衛侯速卒

速公作逝

左氏

衛穆公卒晉三子自役弔焉

取汶陽田

漢魯國汶鄉縣顧師古曰即汶陽田今兗州泗水縣東南有汶陽故城

左氏

注

使齊還魯故書取不以好得故不言歸

公羊

汶陽田者何韋之賂也

胡氏

汶陽之田本魯

田也取者得非其有之稱不曰復而謂之取何也恃大國兵力一戰勝齊得其故壤而不請於天王以正疆理則取之不以其道與得非其有奚異乎然則宜奈何考於建邦土地之圖若在封域之中則先王所錫先祖所受經界世守不可亂矣不然侵小得之春秋固有興滅國繼絕世之義必有處也魯在戰國時地方五百里而孟氏語慎子曰如有王者作在所損乎在所益乎經於復其故田而書取所損益可知矣

案汶陽田侵於齊久矣一反於曹沫之盟再復於鞏之戰又失於韓穿之來言直至孔子為政然後有鄆謹龜陰之歸鄆謹龜陰左氏亦曰汶陽之田也

冬楚師鄭師侵衛十有一月公會楚公子嬰齊于蜀

魯蜀

地

左氏

宣公使求好于楚莊王卒宣公薨不克作好公即位受盟于晉會晉伐齊衛人不行使于楚而

亦受盟于晉從於伐齊故楚令尹子重將為陽橋之役以救齊將起師子重曰君弱羣臣不如先大夫師衆而後可乃大戶已責逮鰥救乏赦罪悉師王卒盡行彭名御戎蔡景公為左許靈公為右二君弱皆強冠之冬楚師侵衛遂侵我師于蜀使臧孫往辭楚侵及楊橋孟孫請往賂之以執斲執鉞織絰皆百人公衛為質以請穀梁楚無人其曰公子何也嬰齊亢盟楚人許平穀梁也疏屈完特稱名氏非正例叔與

宜申不稱名氏非大夫例今胡氏二國稱師著其衆稱公子是貴於同大夫之文也侵衛則書侵我師于蜀致賂納質沒而不書非諱也書其重者則莫重乎其以中國諸侯降班失列下與夷狄之大夫會也季孫行父為國上卿當使其君尊榮其民免於侵陵之患而危辱至此特起於忿忮肆其褊心而不知制之以禮也書曰必有忍乃其有濟懲忿窒欲德之修也不忮不求行之善也躬自厚而薄責於人遠怨之方也季孫忿忮弗能懲也而辱逮君父不亦僭乎故春秋史外傳心之要典也考其行事深切著明於以反求諸已陳氏凡吾君會諸侯則有大夫得稱其則亦知戒矣大夫苟無諸侯則不以大夫敵吾君是故莒無大夫則曰莒人齊有大夫則曰齊大夫及高偃盟及處父盟始以大夫敵吾君矣皆不言公以是為齊晉之讖則諱公焉耳此其曰公會楚公子嬰齊是公自與嬰齊夷也於楚之會孟公後諸侯至

於楚之會宋公亦後諸侯至魯猶重從楚也公與嬰齊夷楚何譏焉不足為公諱焉爾是故自屈完以來楚大夫皆無氏族也而書公子自嬰齊始

案公特會外大夫止
此一事陳氏得之

丙申公及楚人秦人宋人陳人衛人鄭人齊人曹人邾

人薛人鄆人盟于蜀左氏

十一月公及楚公子嬰齊蔡侯許男秦右大夫說宋華元

陳公孫寧衛孫良夫鄭公子去疾及齊國之大夫盟于蜀卿不書匱盟也於是乎畏晉而竊與楚盟故曰匱盟蔡侯許男不書乘楚車也謂之失位楚師及宋公衡逃歸是行也晉辟楚畏其衆也君子曰衆之不可以已也大夫為政猶以衆克況明君而善用其衆乎注齊在鄭下非卿匱乏也傳例曰卿不書匱盟也

則楚卿於是始與中國等自公羊此楚公子嬰齊也
此以下楚卿不書皆貶惡也其稱人何得一貶

焉穀梁楚其稱人何也於是而後公得其所也會與
爾穀梁盟同月則地會不地盟不同月則地會地盟

此其地會地盟何也以公得其所申其事也今之屈
向之驕也注公得其所謂楚稱人申其事謂地會地

盟胡氏

所推也魯與必先書公尊內也次書主盟者衆
國皆卿何以稱人楚僭稱王春秋黜之此諸夷狄晉

雖不競猶主夏盟諸侯苟能任仁賢脩政事保固疆
圍要結隣好同心擇義堅事晉室荆楚雖大何畏焉

今乃西向服從而與之盟不亦恥乎古者用夏服夷
未聞服於夷者也乃是之從亦為不善擇矣經於魯

君盟會不信則諱公而不書不臣則諱公而不書棄
中國從夷狄則諱公而不書蜀之盟棄晉從楚書公

不諱何也事同而既貶則從同同正始之義也從荆

楚而與盟既諱公於僖十九年齊之盟矣是陳氏為
以於此不諱而人諸國之大夫以見意也
賤稱人楚大夫初會盟也是故諸侯之大夫復不序
晉大夫初會盟則不言公楚大夫初會盟則其言公
何公固與嬰齊夷
矣無足諱焉爾

案楚專主中國之盟莫盛於此以楚成之強所
得者陳蔡鄭許四國而已而宋之盟止書諸侯
商臣之暴所得者陳蔡鄭宋四國而已而厥貉
之次止書蔡雖以莊王之盛而辰陵之盟亦不
過陳蔡二國從之今蜀之盟諸侯從之者十一
國晉不敢爭其後四十三年然後晉楚之從交
相見又八年楚靈求諸侯于晉皆蜀之役啓之
也春秋安得不重貶之哉一會一盟前不書嬰
齊之名氏無以見楚之強後不貶諸國無以見
中國之弱惟貶諸國之卿不得不貶楚貶楚及

諸國則不諱公可也胡氏陳氏說得之穀梁以
為前書娶齊者嬰齊之仇後書楚人者嬰齊能
自降以從盟故春秋於會蜀不諱公疑其說之
誤矣○又案列人諸國之大夫者惟翟泉澶淵
及此三役翟泉諱公不書澶淵沒魯大夫不書
惟此書公○又案合此一年之事觀之晉蓋竭
力以事齊故無力以制楚勝
齊之得小而縱楚之害大矣

附錄左氏

楚之討陳夏氏也莊王欲納夏姬申公
巫臣曰不可王乃止子反欲取之巫臣

曰是不祥人也子反亦止王以子連尹襄老襄老
死於鄉巫臣使道焉曰歸吾聘女又使自鄭召之
巫臣聘諸鄭及共王即位將為陽橋之役使屈巫
聘于齊且告師期巫臣以夏姬奔晉因郤至以臣
於晉晉人使為邢大夫子反請以重幣
錮之王曰止為巫臣教吳通晉張本
左氏使晉侯

朔獻齊捷于周王弗見使單襄公辭焉曰兄弟甥舅侵敗王略王命伐之告事而已不獻其功所以敬親暱禁淫慝也今叔父克遂有功于齊而不使命卿鎮撫王室而鞏伯實來夫齊甥舅之國而大師之後也寧不亦淫縱其欲以怒叔父抑豈不可諫誨士莊伯不能對餘見莊三十一年

三年春王正月公會晉侯宋公衛侯曹伯伐鄭左氏諸侯

伐鄭次于伯牛討邲之役也遂東侵鄭鄭公子偃帥師禦之使東鄙覆諸鄭敗諸丘與皇成如楚獻捷注宋衛未葬而稱爵胡氏夫討邲之役則復怨勦民非以接鄰國非禮也觀釁也遂東侵則潛師掠境非以律也覆而敗諸則專用詐謀非正勝也度彼參此皆無善也略而不紀勝負微也晉侯稱爵而以伐書何也初為是役必以鄭之從楚也附蠻夷擾中國則盟主有詞于伐耳宋衛未葬曷為稱爵背殯越竟

以吉禮從金

革之事也

案此邲之後晉再伐鄭而不服也

辛亥葬衛穆公○二月公至自伐鄭○甲子新宮災三

日哭左氏

注三年喪畢宣公神主新入廟故謂之新宮書三日哭善得禮疏檀弓曰有焚其先人之

室則三公羊

宣宮曷為謂之新宮不忍言也

穀梁

迫

日哭也

三公羊

三日哭禮也何以書記災也

穀梁

迫

不敢稱謚恭也其辭恭

胡氏

廟災而哭禮也得禮為

且哀以成公為無識矣

胡氏

常事則何以書維氏劉

絢曰新宮者宣宮也不曰宣宮者神主未遷也知然

者丹楹刻桷皆稱桓宮此不舉謚故知其未遷也宮

成而主未入遇災而哭何禮哉宣公薨至是二十有

八月緩於遷主可知矣言災則不恭之致亦自見矣

此說據經為合先人之室蓋嘗寢於斯食於斯會族
屬於斯其居處笑語之所在皆可想也事死如事生
故有焚其室則哭之禮神
主未遷而哭於人情何居

案此條諸傳皆以為
得禮惟胡氏不合

乙亥葬宋文公胡氏

案左氏始厚葬數其葬之月則信
然矣文公之卒國家安靖曷為越

禮逾時逮乎七月而後克襄事哉故知華元樂舉之
棄君於惡而益其侈無疑矣宋公在殯而離次出竟
從金革之事此非有所不忍於死者特欲誇耀
淫侈無知之人耳春秋據事直書而其失自見

夏公如晉左氏

拜汶陽之田

張氏

汶陽之田特書曰取足以
見疆場之令不出於王矣

今為取田而往拜賜晉偃然受之後日
韓穿之來言亦足以見私情之納侮也

案成公朝晉者四三年四年十年四年不見敬
十年見止張氏所謂納侮者信矣惟十八年悼

公即位之
朝無識焉

鄭公子去疾帥師伐許左氏

許恃楚而不事陳氏鄭初

夫將

張氏

晉方怒鄭之不服其為國未有底止也乃
怒許之不事已而動大衆以伐之恃書大

夫專伐之舉所以見其
興兵之不度德量力也

公至自晉胡氏

宣公薨至是三年之喪畢矣宜入朝京
師見天子受王命然後歸而即政可也

嗣守社稷之重而不朝于周以拜汶陽田之故而往
朝于晉其行事亦悖矣此春秋所為作也公行多不
致其書公至自晉何
其至也必有以也

秋叔孫僑如帥師圍棘左氏

取汶陽之田棘不服故圍之

公羊汶陽棘者

之不服邑也其言圍之何不

胡氏復故地而民不聽

聽也注不言叛者為內諱

至於命上將用大

師環其邑而攻之何也魯於是時初稅畝作丘甲稅

役日益重矣棘雖復歸故國所以不願為之民也歟

成公不知薄賦歛輕力役脩德政以來

之而肆其兵力雖得之亦必失之矣

案春秋內叛書圍者七始於此昭十三圍費二十六圍成定六圍鄆十年圍郕圍費十二圍成

大雩○晉卻克衛孫良夫伐麇咎如

麇公作將穀作牆

左氏討赤

狄之餘焉麇咎如潰上失民也

冬十有一月晉侯使荀庚來聘衛侯使孫良夫來聘丙

午及荀庚盟丁未及孫良夫盟左氏

晉侯使荀庚來聘且尋盟衛侯使孫

良夫來聘且尋盟公問諸臧宣叔曰中行伯之於晉也其位在三孫子之於衛也位為上卿將誰先對曰次國之上卿當大國之中中當其下當其上大夫小國之上卿當大國之下卿中當其上大夫下當其下大夫上下如是古之制也衛在晉不得為次國晉為盟主其將先之丙午盟晉丁未盟衛禮也注荀庚尋赤棘良夫尋公羊此聘也其言盟何聘而言盟者宣七年之盟尋舊盟也注惡二國既脩禮相聘不能相親信反復相疑故不舉重連聘而言之疏春秋之義舉重略輕若來盟則不言聘而言盟今言聘言盟嫌其生事穀梁其曰公也來聘而求盟不言故曰尋舊盟也及者以國與之也不言其人亦以國與之也不胡氏劉敞曰諸侯有聘無盟聘禮言求兩欲之也胡氏也盟非禮也庚與良夫不務

引其君當道而生事專命為非禮不信以干先王之
典故不係於國以見其遂事之辱非人臣之操此說
然也其言及者公與之盟而不言公見二卿之抗
也盟者春秋所惡於惡之中又有惡焉此類是矣

案聘而遂盟之始於此此例五此年荀庚良夫
十一年卻犂襄七年林父十五年向戌其皆書
日一則以別於微者一則以別於前定也穀梁
疏曰前定之盟不日則此非前定可知矣又曰
卑者之盟不日則此非卑者可知矣以非前定
則知其生事以非卑者則知其抗公此所以與
來盟稱使之書法不同也若公羊注意
以為二子聘盟兩受命似與胡氏不合

鄭伐許左氏

注不書將帥告詞略疏賈逵曰不稱將帥
夷狄之鄭小國與大國爭諸侯仍伐許故

刺其無知也杜氏不從者以鄭比年三
伐許前後並無貶不應偏刺此事也
公羊注惡鄭

楚同心數侵伐諸夏自此之後穀梁

注鄭從楚伐衛之喪又叛諸侯

兵革數起夷狄比周故夷狄之盟故狄之疏不於伐喪敗者其罪不積不足以成惡鄭既伐喪背盟一年之中再加兵於許故於此夷

狄胡氏

稱國以伐狄之也晉楚爭鄭鄭兩事焉及邲之敗於是乎專意事楚不通中華晉雖加兵

終莫之聽也至此一歲再伐許甚矣夫利在中國則從中國利在荆楚則從荆楚而不擇於義之可否以為去就其所以合乎道者幾希況又馮弱犯寡一歲之中而再動干戈於鄰國不既甚乎春秋之法中國而失其刑者則貶之所以懲惡也以為告詞陳氏

狄鄭

略而從告乃實錄耳一字褒貶義安在也也其狄之何楚之伯鄭人為之也由齊桓以來爭鄭於楚桓公卒鄭始朝楚諸夏之失其勢鄭為亂階也至辰陵鄭帥諸夏而事楚矣敗晉于邲盟十四國之君大夫于蜀皆鄭為之是故狄秦而後狄鄭微秦鄭

中國無
左衽矣

案經中國而狄之者三文十年狄
秦成三年狄鄭昭十二年狄晉

附錄左氏

是年晉作六軍
齊侯朝于晉

案史記齊世家曰頃公十一年晉初置六軍頃
公朝晉欲尊王景公景公不敢當晉世家亦云

四年春宋公使華元來聘左氏

通嗣君也注宋
共公初即位

案經書宋聘魯始此終春秋宋聘魯四此年
及八年華元襄十五年向戌昭十二年華定

三月壬申鄭伯堅卒

壬申二月
二十八日

杞伯來朝左氏

歸叔姬
故也注

將出叔姬先脩
禮朝魯言其故

夏四月甲寅臧孫許卒○公如晉左氏

公如晉晉侯見公不敬季文子

曰晉侯必不免詩曰敬之敬之天惟顯思命不易哉夫晉侯之命在諸侯矣可不敬乎

葬鄭襄公○秋公至自晉左氏

公至自晉欲求成于楚而叛晉季文子曰不可

晉雖無道未可叛也國大臣睦而邇於我諸侯聽焉未可以貳史佚之志有之曰非我族類其心必異楚雖大非吾族也其肯字我乎公乃止

冬城鄆

魯西邑東郡廩丘有鄆城公作運

左氏

注公欲叛晉故城而為備疏魯有二鄆此西鄆

也成十六年傳晉人執季文子公待于鄆即此

鄭伯伐許左氏

冬鄭公孫申帥師疆許田許人敗諸展陂鄭伯伐許取鉏任泠敦之田晉欒書

將中軍救許伐鄭取汜祭楚子反救公羊注未踰年

鄭鄭伯與許男訟焉子反不能決也君稱伯者

時樂成君位親自伐許胡氏前此鄭襄公伐許既狄

故如其意以著其惡之矣今悼公又伐許乃

復稱爵何也喪未逾年以吉禮從金革之事則忘親矣稱爵非美詞所以著其惡也

案鄭自隱十一年入許之後鄭許世讎至此凡

書於經者又四侵伐矣然据左氏所記則邲戰

之役鄭許首如楚蜀之役許乘楚車是許與鄭

皆南向事楚者鄭方從楚何得如此晉楚之救

不書於經事

未可信也

五年春王正月祀叔姬來歸穀梁婦人之義嫁曰胡氏

春秋於內女其歸其出錄之詳者男女居室人之大

倫也父母之心人皆有之而不能為之擇家與室則

夫婦之道苦淫僻之罪多矣王法所重人倫之本錄之詳也為世戒也

張氏嫁時杞伯

未為君也嫁而得罪夫家書曰來歸雖諸侯之尊當謝不教而受之也

仲孫蔑如宋左氏

報華元也

夏叔孫僑如會晉荀首于穀

秀穀齊地

左氏

晉荀首如齊逆女故

宣伯餽諸穀注運糧饋之敬大國也

梁山崩

梁山在馮翊夏陽縣北

左氏

梁山崩晉侯名伯宗謀之絳人曰山有朽壤而崩可若何

國主山川故山崩川竭君為之不舉降服乘縵徹樂出次祝幣史辭以禮焉如此而已伯宗以告而從之

公羊

河上之山也何以書記異也何異爾大也梁山崩壅河三日不流外異不書此何以書為天下

記異也注自是後六十年間弑君十四穀梁注晉望

亡國三十二渙梁之盟徧刺天下大夫穀梁也不言

晉者名山大澤不以封也許慎胡氏梁山韓國也詩

曰山者陽位君象也象君權壞曰奕奕梁山言

其奕然高大為韓國之鎮也後為晉所滅書而不係

國者為天下記異是以不言晉也左氏載絳人之語

於禮文備矣而未記其實也徒舉其

文而無實以先之何足以弭災變乎

秋大水張氏

山崩大水
陰盛之徵

冬十有一月己酉天王崩

定王也宣三年即位
在位二十一年簡王立

十有二月己丑公會晉侯齊侯宋公衛侯鄭伯曹伯邾

子祀伯同盟于蟲牢

蟲牢
鄭地

左氏

許靈公愬鄭伯于楚六
月鄭悼公如楚訟不勝

楚人執皇戌及子國故鄭伯歸使公子偃請成于晉
秋鄭伯及晉趙同盟于垂棘冬同盟于蟲牢鄭服也
宋公子圍龜為質于楚而歸華元享之欲習攻華氏
宋公殺之諸侯謀復會宋公使向為人辭以子靈之
難公羊注約備胡氏案左氏鄭服也鄭服則何以書
強楚之策矣以所聞先後而奔喪禮也而九國諸侯會盟
不廢故特書同盟以見其皆不臣春秋惡盟誓於惡
之中又有惡焉者此類是也

案此條胡氏主泰山孫氏○又案鄭自邲戰後
皆從楚至此始從晉而晉人不能明尊王之義
以示之汲汲於要之以盟誓此所以
竟不能服楚雖再救而卒無功也

六年春王正月公至自會○二月辛巳立武宮左氏

季文

子以鞏之功立武宮非禮也聽於人以救其難不可以立武立武由己非由人也注魯人自鞏之功至今無患故築武軍又作先君武公宮以告成事欲以示後世疏服虔云鞏之戰禱武公以求勝故立其宮杜氏不公羊武宮者何武公之宮也立者不宜立也立從武宮非禮也注臧孫許伐齊有功故立武宮胡氏武宮武公之宮立武宮非禮也喪事即遠有穆與大祖而五者諸侯之廟制也曰考廟曰王考廟曰皇考廟皆月祭焉曰顯考廟曰祖考廟享嘗乃止去祖為壇去壇為墠壇墠有禱則祭無禱乃止去墠為鬼諸侯之祭法也武公至是歷世十一其毀已久而輒立焉非即遠有終之意故特書曰立立者不宜立也

案春秋書此年立武宮定元年立煬宮皆非禮也胡氏所引用乃王制及祭法之文三傳同以

為非禮而明堂位曰魯公之廟文世室也武公之廟武世室也蓋漢儒習見魯國之舊制而不知其僭耳臨江劉氏曰久矣夫其以僭為典也○又案魯有魯公廟為世室百世不毀而又立武宮煬宮又桓宮僖宮至哀公時猶存是魯五廟之外又有五廟也典禮之壞至於如此

附錄

何氏廟制

公羊

注禮天子諸侯立五廟受命始封之君立一廟至於子孫過高祖不

得復立廟周家祖有功尊有德立后稷文武廟至於子孫自高祖已下而七廟天子卿大夫三廟元士二廟諸侯之卿大夫比元士二廟諸侯之士一廟疏禮天子五廟者据正禮通諸上代而言之祭法云王立七廟者据周制言耳祭法適士二廟天子元士及諸侯卿大夫也官師一廟諸侯中士也一廟者考廟王一考無廟而祭之

取鄆

鄆附庸國

左氏

言易也

穀梁

鄆國也

疏變滅言取明魯

胡

取之易又惡鄆不備也

胡

氏

鄆微國也書取者滅之也滅而書取為君隱也

案鄆為微國左氏穀梁同公羊以為邾邑不係之邾諱亟也者非春秋內滅國書取者三此年取鄆襄十三取邾昭四年取鄆皆諱詞也胡氏曰項亦國也其書滅者以僖公在會季孫所為故直書其事而不隱也此春秋尊君抑臣以辨上下謹於微之意也人倫之際差之毫釐繆以千里故仲尼特立此義以示後世臣子使以道事君而無朋附權臣之惡也

衛孫良夫帥師侵宋左氏

晉伯宗夏陽說衛孫良夫寘相鄭人伊雒之戎陸渾蠻氏

侵宋以其

辭會也

夏六月邾子來朝○公孫嬰齊如晉左氏

子叔聲伯如晉命伐宋

案成公之編大夫如晉三此年嬰齊行父十一年行父

壬申鄭伯費卒

悼公也

左氏

春鄭伯如晉拜成授玉于東楹之東士貞伯曰鄭伯其死

乎視流而行速

秋仲孫蔑叔孫僑如帥師侵宋左氏

孟獻子叔孫宣伯侵宋晉命也胡

氏魯遣二卿為主將動大衆焉有事於宋而以侵書者潛師侵掠無名之意蓋陋之也於衛孫良夫亦

然上三年嘗會宋衛同伐鄭矣次年宋使華元來聘通嗣君矣又次年魯使仲孫蔑報華元矣是年冬鄭伯背楚求成于晉而魯衛與宋又同盟于蟲牢矣今而有事於宋上卿授鉞大衆就行而師出無名可乎

故特書侵以罪之也左氏載此師晉命也後二年宋來納幣請伯姬焉則此師為晉而舉非魯志明矣兵戎有國之重事邦交人道之大倫聽命於人不得已焉將能立乎春秋所以罪之也

案春秋凡奉伯主之命或為伯主而興師者皆書侵此年二卿侵宋十年衛黑背侵鄭左皆曰晉命也襄二十四年羯侵齊定六年公侵鄭八年二卿侵衛左皆曰晉故也蓋本非有怨但屈於不得已故亦無志於深入但淺侵其境歟魯宋自莊十年以後並無交兵之事僅見於此

楚公子嬰齊帥師伐鄭左氏

楚子重伐鄭鄭從晉故也胡氏荊楚僭號稱王

聖人比諸亂賊而不赦者大一統以存周使明著於君臣之義也鄭能背楚即華是改過遷善出幽谷而遷喬木也嬰齊為是帥師又因其喪而伐之不義甚矣經所以深惡之也書卿帥師伐鄭於文無貶詞何

以知其深惡楚也下書樂武子帥師救鄭則知陳氏之矣凡書救者未有不善之而伐者之罪著矣
楚初書大
夫將也

案嬰齊伐鄭二

此年及七年

冬季孫行父如晉左氏

晉人謀去故絳諸大夫皆曰必居郕瑕氏之地沃饒而近鹽國

利君樂不可失也韓獻子曰不可郕瑕氏土薄水淺其惡易覲不如新田土厚水深居之不疾有汾澮以流其惡且民從教十世之利也夫山澤林鹽國之寶也國饒則民驕佚近寶公室乃貧不可謂樂公說從之夏晉遷于新田季文子如晉賀遷也

晉樂書帥師救鄭左氏

樂書救鄭與楚師遇於繞角楚師還晉師遂侵蔡楚公子申公

子成以申息之師救蔡禦諸桑隧趙同趙括欲戰武
子將許之知莊子范文子韓獻子諫曰不可吾來救
鄭楚師去我吾遂至於此是還戮也戮而不已又怒
楚師戰必不克雖克不令成師以出而敗楚之二縣
何榮之有焉乃遂還於是軍帥之欲戰者衆或謂樂
武子曰聖人與衆同欲是以濟事子之佐十一人其
不欲戰者三人而已欲戰者可謂衆矣武子曰善鈞
從衆夫善衆之主也三卿為主可謂衆矣從之不亦
可乎胡氏案左氏武子遂還則無功也亦何善之有曰
此春秋之所以善樂書也兩軍相加兵刃既
接折戟執俘計功受賞此非仁人之心王者之事故
舞干而苗格者舜也因壘而崇降者文也次于陘而
屈完服者齊桓也會蕭魚而鄭不叛者晉悼
也武子之能不還戮而知還也亦庶幾哉

七年春王正月鼯鼠食郊牛角改卜牛鼯鼠又食其角

乃免牛左氏

疏釋獸李巡曰鼯鼠一名鼯鼠

公羊

疏

鼠鼠中之微者京房傳曰穀梁不言日急辭也過有祭天不慎鼯鼠食郊牛角穀梁司也郊牛日展斛角而知傷展道盡矣其所以備災之道不盡也又有繼之辭也其緩辭也曰亡乎人矣非人之所能為也所以免有司之過也乃者亡乎人之辭也免牲者為之緇衣纁裳有司立端奉送至于南郊免牛亦然免牲不曰不郊免牛亦然注復食胡氏穀梁子曰郊牛日乃知國無賢君天災之爾胡氏展斛角而知傷展道盡矣其所以備災之道不盡也改卜牛鼯鼠又食其角則亡乎人矣非人之所能為也所以免有司之過也有司免過則變異也其應云何許翰曰小害大下賊上食而又食三桓子孫相繼之象也宣公有虞弗戒矣理或然也

案郊說詳見僖三十一年饑鼠食三此年定十五年哀元年趙子曰上元二年避兵會稽時有水旱疫癘之苦至明年而牛災有小鼠能噬牛纔傷皮膚無有不死者

吳伐邾

吳在吳郡今平江府邾己姓國少昊之後漢屬東海郡今屬下邳

左氏

吳伐邾邾成季

文子曰中國不振旅蠻夷入伐而莫之或恤無公羊弔者也夫有上不弔其誰不受亂吾亡無日矣注吳國見者罕與中國交至升平乃見故因始見以漸進疏楚始見書州名今吳當以揚州言之不以州稱以漸胡氏稱國以伐狄之也吳本大伯之後以族進者也胡氏屬言則周之伯父也何以狄之為其僭天子之大號也案國語云命圭有命固曰吳伯不曰吳王然則吳本伯爵也後雖益熾浸與中國會盟進而書爵不過曰子亦不以本爵與之故紀於禮書曰四夷雖大皆曰子此春秋之法仲尼之制也而以為

不敢擅進退諸侯
亂名實者誤矣

案吳自大伯奔吳五世至周章而武王克殷因
封之吳又十四世至壽夢而始大僭稱王此即
壽夢之二年也蓋成公二年楚申公巫臣奔晉
求通吳以罷楚於是吳兵始及上國矣此為書
吳之始終春秋書伐郟伐陳入州來入郢滅州
來滅巢滅徐戰長岸雞父皆書國雖會鍾離會
善道會祖會向會鄆會索皐亦書國惟襄五年
于戚始書吳人襄十二年始書吳子卒二十九
年始書吳子以聘至栢舉書子已同於中國至
黃池書子則主諸侯之詞矣後七世而亡於越

附錄左氏

鄭子良相成公以
如晉朝且拜師

夏五月曹伯來朝

宣公

○不郊猶三望左氏

注書不郊
間有事

穀

梁注春秋免牛夏乃三胡氏吳郡朱長文曰禮天子有

而已魯當祭泰山泰山魯之境也禮所得祭故不書

三望僭天子禮是以書之其說是矣楚子軫言三代

命祀祭不越望而曰江漢沮漳楚之望非也楚始受

封濱江之國漢水沮漳豈其境內哉此亦據後世并

兼封略
言之爾

秋楚公子嬰齊帥師伐鄭公會晉侯齊侯宋公衛侯曹

伯莒子邾子杞伯救鄭八月戊辰同盟于馬陵馬陵衛地左

氏子重伐鄭師于汜諸侯救鄭鄭共仲侯羽軍楚師

盟且莒服故也晉人胡氏楚人軍旅數起頻年伐鄭

以鍾儀歸因諸軍府以其背己而從諸夏也與

莊之欲討徵舒而入陳者異矣書大夫之名氏書師師書伐而無貶詞者所謂不待貶絕而罪自見者也晉合八國之君親往救鄭則攘夷狄安中國之師也欲著其善故特書救鄭以美之言救則楚罪益明而鄭能背夷即華善亦著矣前此晉遣上將諸國不與焉至此則其君自行而會合諸國則楚人暴橫憑陵諸夏之勢益張亦可見矣故盟于馬陵而書同盟者同病楚也

案晉景公之編書同盟者五惟此盟無譏焉則以二救之善也樂武子之德在民其此時也夫若非此二舉則盟蜀之後晉之伯業喪矣惜乎蟲牢不能謹於義于蒲不能謹於信是以馬陵雖善而竟不能復文襄之業也然彼善於此君子猶取之

公至自會○吳入州來

州來淮南下蔡縣今屬壽州

左氏

楚圍宋之役師還子

重請取申呂以為賞田王許之申公巫臣曰不可此
申呂所以邑也是以為賦以御北方若取之是無申
呂也晉鄭必至于漢王乃止子重是以怨巫臣子反
欲取夏姬巫臣止之遂取以行子反亦怨之及共王
即位子重子反殺巫臣之族巫臣自晉遺二子書曰
爾以讒慝貪憚事君而多殺不辜余必使爾罷於奔
命以死巫臣請使於吳晉侯許之吳子壽夢說之乃
通吳於晉以兩之一卒適吳舍偏兩之一馬與具射
御教吳乘車教之戰陳教之叛楚寘其子孤庸焉使
為行人於吳吳始伐楚伐巢伐徐子重奔命馬陵之
會吳入州來子重自鄭奔命子重子反於是乎一歲
七奔命蠻夷屬於楚者吳盡取之是以始大通吳於
國上張氏僭王而病中國亦
晉有以啟之矣

案昭十三年

吳滅州來

冬大雩穀梁

雩不月而時非之也冬無為雩也

衛孫林父出奔晉左氏

衛定公惡孫林父冬林父奔晉衛侯如晉晉反戚焉注戚林父

邑林父奔晉戚隨屬晉晉反之

八年春晉侯使韓穿來言汶陽之田歸之于齊左氏

晉侯

使韓穿來言汶陽之田歸之于齊季文子餞之私焉曰大國制義以為盟主是以諸侯懷德畏討無有貳心謂汶陽之田敝邑之舊也而用師於齊使歸諸敝邑今有二命曰歸諸齊信以行義義以成命小國所望而懷也信不可知義無所立四方諸侯其誰不解體詩曰女也不爽士貳其行士也罔極二三其德七年之中一予一奪二三孰甚焉伯主將德是以而二三之其何以長有諸侯乎詩曰猶之未遠是用大簡

行父懼晉之不遠猶而失公羊來言者何內詞也脅諸侯也是以敢私言之我使我歸之也曷為

使我歸之鞏之戰齊師大敗齊侯歸弔死視疾七年不飲酒不食肉晉侯聞之曰嘻奈何使人之君七年

不飲酒不食肉請穀梁于齊緩詞也不使盡我也疏皆反其所取侵地穀梁釋此與歸之于京師同皆緩

詞也以緩詞言之者胡氏汶陽之田本魯田也魯人諱不使制命於我也恃大國之威以兵力脅齊

得其故地而不正疆理於天王則取之不以其道也卻克戰勝令於齊曰反魯衛之侵地齊既從之今復

有命俾歸諸齊則歸之不以其道也而齊人貪得晉有二命穿也列卿無所諫止皆罪矣來言者緩詞也

歸之于者易詞也為國以禮者無憚於強而魯侯微弱遂以歸齊而不能保罪亦見矣

案此條左氏穀梁胡氏皆貶晉惟公羊何氏以為善晉之義齊者失之張氏曰前此取汶陽田

出於晉命矣不曰使來言又嘗為杞取成矣不曰使來言蓋歸所當得取所當有皆義也制命以義伯主之常事也今汶陽之歸徇私而不公比強而陵弱反已成之制命而自亂之故書來言以見其不得為制命書歸之于以著其不當予而晉與魯之臯咸見矣常山劉氏曰歸之于者歸不以道與執衛侯歸之京師同義

晉欒書帥師侵蔡左氏

晉欒書侵蔡遂侵楚獲申驪六年楚師之還也晉侵沈獲沈子

揖初從知范韓也君子曰從善如流宜哉是張氏許行也鄭伯將會晉師門于許東門大獲焉曰侵蔡報伐鄭也大國爭衡小國受敗春秋所矜也

公孫嬰齊如莒左氏

聲伯如莒逆也注因聘而逆也

宋公使華元來聘左氏

聘共姬也注穆姜女成公姊妹為宋共公夫人

夏宋公使公孫壽來納幣左氏

禮也注宋公無主昏者自命之故稱使也公

羊

納幣不書此何以書錄伯姬也注伯姬賢所以殊於眾女隱三年傳昏禮不稱主人此稱使者宋公

無母自

胡氏

使卿非禮也禮不可以書公孫壽卿也納幣

稱而已矣略則輕大倫過則溺私愛宋公之請伯姬魯侯之嫁其女皆致其厚者也而不知越禮逾制豈所以重大昏之禮哉經悉書之為後法也

晉殺其大夫趙盾趙括左氏

晉趙嬰通于趙莊姬原屏故諸齊嬰曰我在故欒氏

不作我亡吾二昆其憂哉趙莊姬為趙嬰之亡故譖于晉侯曰原屏將為亂欒卻為徵晉討趙盾趙括武

從姬氏畜于公宮以其田與祁奚韓厥言於公曰成季之勲宣孟之忠而無後為善者其懼矣乃立武而反其胡氏業左氏則同括無罪為莊姬所譖而樂卻田焉胡氏害之也故稱國以殺而不去其官以見晉之失政

刑矣

附錄

史記稱有屠岸賈者有寵於靈公此時為司寇追論趙盾弑君之事誅趙氏公孫杵臼取

他兒代武死程嬰匿武於山中居十五年因晉侯疾韓厥乃請立武與左氏不合未詳孰是

秋七月天子使召伯來賜公命

賜公穀左氏名桓公來皆作錫左氏賜公命注

諸侯即位天子賜以命圭與之公羊其稱天子何元合瑞天子天王王者之通稱年春王正月正

也其餘穀梁禮有受命無來錫命錫命非正也曰天皆通矣穀梁子何也曰見一稱也注天王天子王者

之通稱自此已上未有言天胡氏諸侯嗣立而入見
子者今言天子是更見一稱胡氏則有賜已脩聘禮
而來朝則有賜能敵王所愾而獻功則有賜成公即
位服喪已畢而不入見既更五服一朝之歲矣而不
如京師又未嘗敵王所愾而有功也何為來賜命乎
名伯者縣內諸侯為王卿士者也來賜公命罪邦君
之天王譏天子之僭賞也臨諸侯曰
天王君天下曰天子蓋一人之通稱

案此條公穀趙氏皆作錫惟左氏作賜胡氏雖
作賜而義亦與錫同左氏雖作賜而義亦與文
元年毛伯錫命同惟臨江劉氏曰錫命者爵也
有加而賜所謂賜命也古者制三公一命卷若
有加則賜也不過九命次國之君不過七命小
國五命故賜者謂有加也以義觀之錫命者其
世世相襲衮不廢矣賜命者服過其爵所以章
有德也成公未有大功明德而服過其爵譏僭

賞也其說似與諸家不合姑存于此○又案左公穀皆作天子諸家亦從之然三家雖經文作天子而義亦與天王同何休曰仁義合者稱王又王者取天下歸往也天子者爵稱也聖人受命皆天所生故謂天子或言天王或言天子皆相通也楊士勛曰衆人卑故稱母子貴者取貴稱故稱天子入春秋以來唯取仁義之稱未表繫天子之尊故曰更見一稱也是天王與天子無異義矣若何休又以為文公年長故稱天王今成公幼少當須如父教子未當錫也是以為之張義而言天子賈逵又以為畿內稱王諸夏稱天王夷狄稱天子皆迂謬不可從啖子又以子字為誤未詳是否魯不朝而王賜之非正也而杜氏以八年乃來為緩其失甚矣○又案天子之見經者三十有二稱天王者二十有五稱王者六稱天子者一

冬十月癸卯祀叔姬卒○晉侯使士燮來聘叔孫僑如

會晉士燮齊人邾人伐邾左氏

晉士燮來聘言伐邾也以其事吳故公賂之請

緩師文子不可曰君命無貳失信不立禮無加貨事

無二成君後諸侯是寡君不得事君也燮將復之季

孫懼使宣伯

胡氏案左氏伐邾以其事吳故當其時

帥師會伐邾

既不能救及其既成豈獲已也而

又率諸國伐之何義乎前書來聘下書會伐晉侯之

為盟主可見矣魯既知其不可從太國之令而不敢

違其不能立

亦可知矣

案聘而後言伐其不能以大義令

諸侯與厲公乞師之舉無異矣

衛人來媵左氏

媵共姬禮也凡諸侯嫁女同姓媵之異姓則否

胡氏

媵者何諸侯有三歸

嫡夫人行則姪娣從二國來媵亦以姪娣從凡一娶
 九女所以廣繼嗣三國來媵非禮也夫以禮制欲則
 治以欲敗禮則亂而諸侯一娶十有二女則
 以欲敗禮矣備書三國以明逾制為後戒也

案公穀皆以為詳伯
 姬而錄之未知是否

九年春王正月杞伯來逆叔姬之喪以歸左氏

請之也
 杞叔姬

卒為杞故也逆
 叔姬為我也

胡氏

杞叔姬一女子而四書于策何
 也春秋慎男女之配重大昏之

禮以是為人倫之本也夷考杞叔姬之行雖不若宋
 共姬亦不至如鄆季姬之越禮也杞伯初來朝魯然
 後卒之卒而復逆其喪豈非叔姬本不應出故魯人
 得以義責之使復歸葬乎聖人詳錄始卒欲為後鑑
 使得有終
 而無弊也

公會晉侯齊侯宋公衛侯鄭伯曹伯莒子杞伯同盟于

蒲

蒲衛地

左氏

為歸汶陽之田故諸侯貳於晉晉人懼會于蒲以尋馬陵之盟季文子謂范文子曰

德則不競尋盟何為范文子曰勤以撫之寬以待之堅彊以御之明神以要之柔服而伐貳德之次也是行也將始會胡氏夫盟非固結之本也衛獻公言於吳吳人不至胡氏甯喜求復國喜曰必子鮮在不然必敗小邾射以句繹來奔曰使季路要我吾無盟夫信在言前者不言而自喻誠在令外者不令而自行晉初下令於齊反魯衛之侵地而齊不敢違者以其順也齊既從之魯君親往拜其賜矣復有二命俾歸諸齊一與一奪信不可知無惑乎諸侯之解體也晉人不知反求諸己博信明義以補前行之愆而又欲刑牲輒血要質鬼神以御之是從事於末而不知本矣特書同盟以罪晉也

案此盟如胡氏之意則惡其反覆而書同者也
自蟲牢馬陵于蒲三盟中國之勢稍振然蟲牢
鄭服而不能明于尊王之義已不足以駕楚馬
陵兩救雖是以協列國之心而伐鄭之舉不足
以令諸侯汶陽之歸不足以固諸侯於是鄭魯
皆有叛意矣執鄭伐鄭止公盟公紛紛如是卒
至會瑣澤而與楚成會鍾離
而借吳援晉伯不足言矣

公至自會○二月伯姬歸于宋夏季孫行父如宋致女

晉人來媵左氏

季文子如宋致女復命公享之賦韓奕注女嫁三月又使大夫隨加聘問謂之

致女所以致成婦禮篤昏姻之好

公羊

未有言致女者此其言致女何錄伯姬也

胡氏

致女

者何女既嫁三月而廟見則成婦矣而後父母使人安之故謂之致也常事爾何以書致女使卿非禮也

經有因褒以見貶者初獻六羽之類是也亦有因貶以見褒者致女來媵之類是也伯姬賢行著於家故致女使卿特厚其嫁遣之禮賢名聞於遠故諸國爭媵信其無妬忌之行程氏以為一女子之賢尚聞於諸侯況君子哉或曰魯女雖賢豈能聞於遠乎曰古者庶女與非敵者則求為媵固為之擇賢小君則諸侯之賢女自當聞矣

秋七月丙子齊侯無野卒○晉人執鄭伯晉欒書帥師

伐鄭左氏

楚人以重賂求鄭鄭伯會楚公子成于鄧秋鄭伯如晉晉人討其貳於楚也執諸銅鞮欒

書伐鄭鄭人使伯蠲行成晉胡氏稱人而執者既不

人殺之楚子重侵陳以救鄭以王命又不歸諸

京師則非伯討也殺伯蠲不書者既執其君矣則行人為輕亦不足紀也楚子重侵陳與處父救江何異

削而不書者鄭亦有罪焉耳夫背夷即華正也今以重賂故又與楚會則是惟利之從而不要諸義也故鄭無可救之善楚不得有能救之名

案此條穀梁以為不言戰以鄭伯也注言樂書以鄭伯伐鄭君臣交兵病莫大焉故為親者諱疾經無此意

附錄穀梁穀梁為尊者諱恥為賢者諱例穀梁諱過為親者諱疾

冬十有一月葬齊頃公○楚公子嬰齊帥師伐莒庚申

莒潰楚人入鄆

庚申月十八日鄆公作運莒別邑

左氏晉侯使申公巫臣如吳假道于

莒與渠丘公立于池上曰城已惡莒子曰僻陋在夷其孰以我為虞對曰夫狡焉思啟封疆以利社稷者

何國蔑有唯然故多大國矣唯或思或縱也勇夫重
閉沉國乎冬楚子重自陳伐莒圍渠丘渠丘城惡衆
潰奔莒戊申楚入渠丘莒人囚楚公子平楚人曰勿
殺吾歸而俘莒人殺之楚師圍莒莒城亦惡庚申莒
潰楚遂入鄆莒無備故也君子曰恃陋而不設備罪
之大者也莒恃其陋而不脩城郭決辰之間楚克其
三都無胡氏效死而民不去則是可為也夫鑿池築
城者為國之備所謂事也效死而民不去為國之本
所謂政也莒恃其陋不脩城郭決辰之間楚克其三
都信無備矣然兵至而民逃其上不能使民效死而
不去則昧於為國之本也雖隆莒之城何益乎故經
於莒潰特書日以謹之者以明城郭溝池重門擊
柝皆守邦之末務必以固本安民為政之急耳陳
氏此嬰齊也向也於會蜀稱嬰齊於盟稱人今也於
伐莒稱嬰齊於入鄆稱人一人之身俄而進退焉

春秋之於楚無所不盡其辭也莊王之篇圍滅無貶詞莊王卒春秋志楚強而已矣是故於栢舉戰稱人奔稱囊瓦

案范氏例潰有四而穀梁之發傳有三僖四年蔡潰昭二十九年鄭潰傳曰潰之為言上下不相得也文三年沈潰同此例矣此莒潰則曰大夫潰莒而之楚惡之故謹而日之注者以為莒大夫帥衆叛君而從楚故變文書日以見惡此說雖若無据然或有所傳不可盡廢

秦人白狄伐晉左氏

諸侯貳故也

胡氏

經所謹者華夷之辨也晉嘗與白狄伐秦

秦亦與白狄伐晉內外不復分矣其稱人貶詞也武王伐商庸蜀羌髳微盧彭濮皆與焉豈亦不謹乎除天下之殘賊而出民水火之中雖蠻夷戎狄以義驅之可也中國友邦自相侵伐已為不義又與不通聲

教者共焉不亦甚乎晉既失信復聽婦人讒說殺其世臣而諸侯皆貳秦狄交攻比事以觀深切著明矣

鄭人圍許左氏

示晉不急君也是則公孫申謀之曰我出師以圍許為將改立君者而紓晉使

晉必張氏君在外而興師以歸君復怨大臣之罪也

城中城

中城魯邑在東海廩丘縣東南

左氏

書時也注長歷推此年閏十二月傳下有十二月知

此城在閏十一月水昏正之時

穀梁

城中城者非外民也

胡氏

經世安民視道之得失不倚城

郭溝池以為固也穀梁謂凡城之誌皆譏其說是矣

莒雖恃固不設備至使楚人入鄆苟有令政使民效死而不潰寇亦豈能入也城非春秋所貴而書城中

城其為微守益微矣王公設險以守其國非歟曰百雉之城七里之郭設險之大端也謹於禮以為國辨尊卑分貴賤明等威異物采凡所以杜絕陵僭限隔

上下者乃體險之大用也
獨城郭溝池之足恃乎

案經書城中城
二又見定六年

附錄左氏

晉侯觀于軍府見鍾儀問之曰南冠而縶者誰也有司對曰鄭人所獻楚囚也

名而弔之問其族曰冷人也與之琴操南音公曰
君王何如對曰非小人之所以得知也固問之對曰
其為大子也師保奉之以朝于嬰齊而夕于側也
不知其他公語范文子文子曰楚囚君子也君盍
歸之使合晉楚之成公從之使歸求成冬十二月
楚子使公子辰如晉報鍾儀之使請脩好結成十
年春晉侯使糴伐如楚
報大宰子商之使也

春秋諸傳會通卷十六